

桂平縣志





世

平

具

志

桂平縣志卷五十三

紀文

文錄八

紀事之文 紀人之文附

運籌亭平蠻碑

錢溥

天子御極受羣臣朝乃赫然怒曰蠢爾苗孽毒我兩廣屢伐不悛驕悍滋甚豈守土非其人乎乃黜罰兩廣巡撫巡按暨三司之在職者尋命太監盧永陳瑄汝其監督我軍務命都督同知趙輔為征夷將軍曰維兩京南直隸江西湖廣廣西官軍士兵之在行者汝皆將之命都督和勇為游擊將軍曰維兩京達官達軍之在行者汝其統之命戶部侍郎薛遠曰

汝其飲食予士以主事左明善王瑤從命監察御史汪霖劉慶曰汝往視師兵部尙書王珙進曰維侍郎韓雍今參政浙江非其人不可總理天子曰然遂起公於浙拜公都察院左僉都御史仍支正三品俸曰凡官軍用命不用命汝其賞罰惟允其事機可否亦惟汝從底乃功公既受命會諸公於南京衆議欲分江西軍二千達官五百由庾嶺入廣東大軍則在湖廣入廣西蓋以言者謂賊在廣東宜逐之在廣西宜困之公曰不然古者仗鉞臨戎專制閩外謂可安國家利社稷雖專之可也叔敖云寧我薄人軍志曰先人有奪人之心薄之也公議既定師及廣西界卽議委都指揮鄒宏廉忠策應

副總兵范信以截流賊在新會之西者委參將孫震都指揮  
葛宗蔭等守潯梧南寧以斷大藤峽委都指揮彭倫守興安  
靈州以截陽峒仍檄湖廣總兵李震提備分營以進至全州  
謀報陽峒之賊在公五發偏師皆捷生擒渠魁數人至桂林  
嚴刑以示衆守城失機指揮守宋瑛等數人按軍法而行辟  
威聲大振士益用命衆謂乘勝宜直搗大藤峽公謂修仁荔  
蒲皆峽賊羽翼也宜先破修荔以剪其羽翼則峽賊之勢孤  
矣又欲誘修荔獠老出而殺之則餘黨可不勞而自平公謂  
奉詔致討貴乎名正誘而殺降信義虧矣乃議和遊擊充左  
哨參將孫麒充右哨葛宗蔭充南哨而公與太監總兵及廣

西總兵歐信等領中哨寇日進勦又分爲二十五哨夾攻彌月而修荔遂平賊無黨援路無阻絕公乃移師潯州遍詢大藤峽鄉道衆云峽乃天險備固糧多須困守數冬乃可斃公謂峽圍六百餘里皆我軍矣不乘勝而進罔以成厥功乃集將士諭以朝廷威福之重示以賊勢可滅之機衆遂歡呼咸願死戰公知其可用益增器械盛餼糧督歐信孫騏及湖廣參將高端都指揮夏正王瑛等五哨由峽後進公與太監總兵侍郎御史都督指揮夏鑑白全楊嶼張剛彭倫柴政馬義梁泰等八哨從峽南水陸並進復令參將孫震等二哨援於後而別遣將士斷諸山口賊憚勢蹙仍復掣其妻孥輜重於

極險桂州橫石寺塘等崖預於山南豎立排柵滾木礮石而  
下毒矢如雨公乃設伏覘其力弛遂奮甲先登士卒魚貫而  
進聲震天地縱火烈焚日色晝暝賊果遁衆云險不可進公  
謂根株弗拔旋復滋蔓督進益急直抵橫石等厓九層樓等  
山計遣壯士於賊所不備處攀援至絕頂舉砲爲應衆復環  
攻一連數十合峽遂破矣前後得大小寨峒九百餘處擒賊  
首侯大狗等并俘獲男女三萬餘而逃墜凍死者無算公乃  
改大藤峽爲斷藤峽刻石山頂以紀厥功公復思處以大計  
謂內餘孽雖畏威向化苟控御稍佚終必爲患宜設土官編  
管其殘夷耕植其荒土若上隆知州岑鐸請釋其罪移州峽

內以隸於潯武宣之東鄉爲峽後門貴縣之龍山爲峽右臂  
宜設二巡檢司選土人爲副巡檢乃乞銓官降印以主之徒  
周冲巡檢司於峽之上水徙靖寧巡檢司於峽之下水廣西  
輪調湖廣官軍一萬貴州官軍五千宜重選其強壯以永固  
守廣東宜安插達軍四百於城內以備調遣初委鄒宏范信  
等截殺屢以捷聞今凱旋士皆斂迹無譁秋毫不漁於衆又  
分遣官軍往助不旬月而流賊悉除兩廣平矣

議藤峽善後疏

明 韓 雍

臣聞猺獞之性喜縱而惡法驚悸之後易動而難安今渠魁  
僅已剪除餘孽尙遺千數頃雖革面終包野心驟然攝以流



官律以王法恐至泮渙再起謹譁竊見上隆州土知州岑鐸  
先因祖母奏其盜嫂謀兄奉旨推鞠在禁五載竟無証佐臣  
愚以爲鳥獸之族豈識彝倫曖昧之言起自中葺卽使傅會  
成獄亦且稱屈有詞聞其人驍勇冠軍正可宣力荒徼陛下  
若宥其宿愆特沛殊恩俾以職改隸潯州爲諸徭之長撫  
安流究墾開菑畲彼且畏法懷恩力圖報稱因俗而治庶可  
永寧夫大盜之始必由一二魁奸越志萌亂迨乎滋蔓不剪  
遂至橫行故制盜於初發一謀士而有餘治盜於旣張疲萬  
人而不足是以摘盜之隱而禁盜之萌莫如巡檢但各處巡  
檢類似流官不辨土音不諳地理沿牒遷轉終難責成臣部

下土人李昇陸善正胡扶清任眞二陸明貴零扶寨等皆久  
參行伍亦効勤勞至於土俗人情尤善陳說若量授一職必  
能保障此方况峽江百里中有三灘上曰勒馬下曰獻俘中  
曰碧灘賊盜充斥皆宜設官控制而貴縣龍山藤峽之右臂  
也武宣縣東鄉藤峽之北戶也控制之司尤不可少臣愚以  
爲宜移周冲巡檢司於勒馬移靖寧巡檢司於獻俘移思隆  
巡檢司於碧灘與館驛同堡而東鄉龍山亦各添設巡檢司  
使上下應援往來邏遏以李昇等各授副巡檢職事分署諸  
司協助流官因俗防守至於藤縣五屯藤峽之左臂也實生  
獠人與猺異黨洪武獠首覃福親率其黨八百人願充戎伍

高皇帝嘉之以福爲正千戶使率其屬編隸桂州福旣物故而部曲散亡潛歸故窟生齒日夥今且三千先此藤峽之役臣遺千戶李慶招之諸獠莫不挺刃應援臣以爲南蠻之俗憚見流官兼懷舊穴曩者遠驅省界所以脫籍逃亡若比照遷江屯所就於本土開設千戶衙門因俗統治以李慶爲之長帥以福孫仲瑛爲之吏目築城分哨以控東隅而黃丹白馬蒙江十二磯有警皆其責任至若將官之任尤宜得人右江僉事參將孫震原柳州衛指揮地利夷情素所諳熟湖廣都指揮僉事夏鑑謀勇過人修仁藤峽等處厥功爛然指揮使林聰指揮同知張壽劉政張獅梁太指揮僉事馬義俱歷

練老成有謀有勇或以從容奏捷或以保障垂勳孫震夏鑑  
堪任參將宜以孫震守右江夏鑑守左江林聰劉政等俱堪  
守備宜以劉政守備梧州張壽守備平樂馬義守備興安林  
聰守備玉林梁太守備修仁張翀守備賓州等處如此則防  
禦稍固峽賊必斂矣

處置平復地方以圖久安疏

王守仁

臣聞傳說之告高宗曰明王奉若天道建邦設都樹后王君  
公承以大夫師長不惟逸豫惟以亂民今天下郡縣之設乃  
有大小繁簡之別中土邊方之殊流官土襲之不同者豈故  
爲是多端哉蓋亦因其廣谷大川風土之異氣人生其間剛

柔緩急之異稟服食器用好惡習尚之異類是以順其情不違其俗循其故不易其宜要在使人各得其所固亦惟以亂民而已矣臣以迂庸謬膺重命勘處兵事於茲土節該欽奉勅諭謂可撫則撫當勦卽勦是陛下之心唯在於除患安民未嘗有所意必也又節該欽奉勅諭謂賊平之後公同議處應設土官流官何者經久利便是陛下之心唯在於安民息亂未嘗有所意必也始者思田梗化旣舉兵而加誅矣因其悔罪來投遂復宥而釋之固亦莫非仰體陛下不嗜殺人之心惓惓憂憫赤子之無辜也然而今之議者或以爲流官之設中土之制也已設流官而復去之則嫌於失中土之制土

官之設蠻夷之俗也已去土官而復設之則嫌於從蠻夷之俗二者將不能逃於物議其何以能建事而底績乎是皆不然夫流官設而夷民服何苦而不設流官乎夫唯流官一設而夷民因以騷亂仁人君子亦安忍寧使斯民騷亂而必於流官之設者土官去而夷民服何苦而必設土官乎夫唯土官一去而夷民因以背叛仁人君子亦安忍寧使斯民背叛而必於土官之去者是皆虞目前之毀譽避日後之形迹苟爲周身之慮而不爲國家思久長之圖者也其亦何能仰窺陛下如天之仁固平平蕩蕩無偏無黨惟以亂民爲心乎臣於思恩田州平復之後卽已仰遵聖諭公同總鎮鎮巡副參

三司等官太監張賜御史石金等議應設流官土官何者經  
久利便不得苟有嫌疑避忌而心有不盡謀有不忠乃皆以  
爲宜仍土官以順其情分土目以散其黨設流官以制其勢  
蓋蠻夷之性譬猶禽獸麋鹿必欲制以中土之郡縣而繩之  
以流官之法是羣麋鹿於堂室之中而欲其馴擾帖服終必  
觸樽俎翻几席狂跳而駭擲矣故必放之閒曠之區以順適  
其獷野之性今所以仍土官之舊者是順適其獷野之性也  
然一唯土官之爲而不思有以散其黨與制其猖獗是縱麋  
鹿於田野之中而無有乎牆墉之限獷牙童牯之道終必長  
奔直竄而無以維繫之矣今所以分立土目者是牆墉之限

獷牙童牯之道也然分立土目而終無連屬網維於其間是  
畜麋鹿於苑囿而無守視之人以時修其牆墉禁其羣觸終  
將踰垣遠逝而不知踐禾稼決藩籬而莫之省矣今所以特  
設流官者是守視苑囿之人也議旣僉同臣猶以爲土夷之  
心未必盡得而窮山僻壤或有隱情也則亦安能保其必行  
乎則又備歷田州思恩之境按行其村落而經理其城堡因  
而以其所以處之之道詢諸其目長率皆以爲善又詢諸其  
父老子弟又皆以爲善然後信其可以久行而庶或幸免於  
他日之戮也已夫然後敢具本以請亦恃聖明在上洞見萬  
里而無微不燭故臣得以信其愚忠而不復有所顧忌然猶



反覆其辭而更互其說者非敢有虞於陛下不能亮臣之愚  
良以今之士人率多執己見而倡臆說亦足以搖衆心而壞  
成事故臣不避頰舌之騰者亦欲因是以曉之也煩瀆聖聽  
臣不勝戰慄惶懼之至緣係處置平復地方以圖久安長治  
事理未敢擅便爲此開列具本請旨 以下節 一仍立土官  
知州以順土夷之情臣等看得岑氏世有田州其繫戀之私  
恩久結於人心今岑猛雖誅各夷無賢愚老少莫不悲愴懷  
思願得復立其後故蘇受之變翕然盡起不約而同自官府  
論之則皆以爲苗頑逆命之徒在各夷言之則皆自以爲嬰  
白存孤之義故自兵興以來遠近軍民往往亦有哀憐其志

而反不直官府之爲者况各夷告稱其先世岑伯顏者嘗欽奉太祖高皇帝勅旨岑黃二姓五百年忠孝之家禮部好生看他着江夏侯護送岑伯顏爲田州府土官知府職事傳授子孫代代相繼承襲欽此欽遵其後如岑永通岑祥岑紹岑鑑岑鏞岑溥皆嘗著征討之績保障之功猛之暴虐騷縱罪雖可戮而往歲姚源之役近年劉召之勦亦皆間關奔走勦勞在人各夷告稱官兵未進之先猛尙遣人奉表朝賀貢獻又遣人賫本赴京控訴官兵將進之時猛遂率衆遠遯未嘗敢有抗拒以此言之其無反叛之謀踪跡頗明今欲仍設土官以順各夷之情而非岑氏之後彼亦終有未服故今日

土官之立必須岑氏子孫而後可臣等看得田州府城之外西北一隅地形平坦堪以居民議以其地降爲田州而於舊屬四十八甲之內割其八甲以屬之聽其以土俗自治立岑猛之子一人始授以署州事吏目三年之後地方寧靖効有勤勞則授以判官六年之後地方寧靖効有勤勞則授以爲同知九年之後地方寧靖効有勤勞則授以爲知州使承岑氏之祀而隸之流官知府其制御之道則悉如臣等前之所議如此則朝廷於討猛之罪記猛之勞追錄其先世之忠俯順其下民之望者兼得之矣昔文武之政罪人不孥興滅繼絕而天下之民歸心遠近蠻夷見朝廷之所以處岑氏者若

此莫不曰猛肆其惡舉兵加誅法之正也明其非叛而不及其孥仁之至也錄其先世之忠不絕其祀德之厚也不利其土而復與其民義之盡也矜其冥頑而曲加生全恩之極也卽此一舉而四方之士官莫不畏威懷德心悅誠服信義昭布而蠻夷自此大定矣此今日知州之設所以異於昔日之士官而爲久安長治之策也臣等又看得岑猛之子存者二人其長者爲岑邦佐其幼者爲岑邦相邦佐自幼出繼武靖州爲知州前者徒以誅猛之故有司奏請安置於漳州然彼實無可革之罪今日田州之立無有宜於邦佐者但武靖當獠賊之衝而邦佐素得其民心其才足能制御邇者武靖之

民以盜賊昌熾州民無主之故往往來告願得復還邦佐爲知州以保障地方臣等方欲爲之上請如欲更一人諸夷未必肯服莫若仍以邦佐歸之武靖而立邦相於田州用其強力有能者於折衝捍禦之所而存其幼弱未立者於安守宗祀之區庶爲兩得其宜至於思恩則岑濬之後已絕自不必復有土官之設矣

以下節  
五條

### 藤峽善後議

明  
翁萬達

一曰編保甲以處新民夫苗獠之亂萌於怙險若非別里分疆剷其故宇終爲負固宜令江北一帶西自碧灘東連林峒皆南渡蓼水墾作便田江南一帶東起蒲竹西遶河源亦托

處平原遠背山麓但此等新民方就繩檢如放豚憚於胃絡  
野鹿駭於牢籠故假借過寬則獷戾之性仍在約束太驟則  
簡野之俗弗堪按之故牘曾有准入狼家或附編民戶者意  
非不美也但入狼則土蠻蠶食編民則廂里漁侵皆非善政  
宜倣古人保甲法度十家爲甲甲有總五甲爲保保有長各  
就族類擇稍有恒業能通漢音者爲之仍先計口科糧大約  
十取其一歲令保長徵催別貯一倉以便會稽授廩之初量  
給種子五年之後稍派徭差近郊之地各立墟市招至諸徭  
賈易貨物一月二舉委官董治使無貪攘 二曰立營保以  
通江道藤峽上抵柳慶下委潯梧諸郡咽喉也曩者江介諸

獠憑據地利厚其徒黨哀兇鞠頑今羣兇已剪殘黨歸降威  
振法行宜與更始但弩灘浪灘兩處獠人既徙平地則遼曠  
舊穴恐有客賊乘之而賓旅往來不爲哨護或有萬一之警  
兩處灘碕宜各立營堡成以官兵置籍分符嚴律明紀使部  
伍聯屬彼此應援游艘往來且防且守近堡之地量遷向化  
良獠環居內外易田而食則客賊難藏 三曰設督備以控  
上游藤峽首尾分隸兩江武宣右江屬邑也實據上游非左  
江部轄法號稍疏府衛公移猶多掣肘所以彼此携隔應援  
爲難潯州原有嶺哨指揮不必更設宜設督備指揮一員於  
武宣駐筭專管峽江調官軍日兵相兼戍捕約以游艘四十

分布兩堡及督備領哨官統之使客商船下水則武宣遣兵防護直抵潯州上水則潯州遣兵防護直抵武宣各給符牌以便稽考 四曰改州治以建屯所昔韓公討平藤峽以碧灘盜賊充斥奏改岑鐸部兵二千來任州事岑鐸死部兵漸散以岑猛次子邦佐繼之後因父猛作亂削職徙閩嘉靖七年新建伯以田州之役欲安反側疏宥邦佐還知本州邦佐復任以來益肆兇殘部民無罪而赤族者無慮數百又占管狼家以爲部落奪其田而賣之如彼私產且貪圖江南吉大里良村可以獵利窩奸遠離汎地頃以睚眦之怨嗾諸獠攻營壘日兵死者二百餘人竊惟先年設州之意實資其兵以



爲民衛今岑氏部落盡已逃亡則兵不足資乃徒擁我地譬  
之贅疣已爲不可況占管非所統率之狼兵而吞併其有以  
資淫虐是本以衛民而反以害民本以禦賊而反以通賊焉  
可宥也今宜以武靖州改爲武靖屯田千戶所推選賢能軍  
職掌管軍官不職可以更置異於土官控要而制遠弭盜以  
安民實地方之利 五曰清狼田以正疆界成化間左江盜  
起田土爲墟其後民漸復業欲借兵自衛議招歸思恩等處  
狼甲徙潯護守以絕戶田給之納糧免差年代漸久生黨日  
繁有司稽考無法原額之外各狼私置亦混狼田姦猾吏民  
又以逃亡產業招狼住種見戶田稅詭寄狼名所以民田日

削民差日重宜選廉幹官員履畝丈量爲之疆界備書一冊  
冊內狼兵易世而姓名不更自置私田及承絕佃業原非冊  
內開載者附本甲爲奇零狼戶與民一體糧差 六日處欸  
兵以慎邊防左江潯南二府民欸凡二千三百六十八名每  
名該四十丁石朋當有司官員罷闔不能清查貪婪者又輒  
賣閒竊惟款兵親當雇當皆爲未便獨徵銀雇募驍勇乃濟  
實用宜每名每月徵銀五錢在官以充雇值所募之人不論  
土著寄居民狼獠獍必求精銳者充之除量留有司守護城  
庫外令各自認五人爲伍五伍爲隊隊有甲四隊爲哨哨有  
長四哨爲營營有官官無定員隨時而設隊甲則推選才力

稍優者爲之哨長則推選才力最優者爲之官得以制哨長哨長得以制隊甲隊甲得以制伍衆各伍間敢有違犯紀律者二人以上連坐同伍五人以上連坐同隊每五人給牌一面備列同隊二十五人姓名使之連絡習熟謂之五符每隊各置牌二面編立字號一付隊甲一收分巡道謂之隊符每哨各置牌二面編立字號一付哨長一收分巡道謂之哨符每歲秋冬團習操練或有警調發截殺及戍守營堡即發符取之庶分數素定軍政修舉

田汝成又曰自予涉嶺右按圖牒詢父老躬覽山川然後稍知破賊之略也大抵藤峽府江相爲表裏然治藤峽宜速

而府江宜緩速則戰無所逃緩則可得要領蓋藤峽前阻重江後臨大野面勢雖迂猶可避過所慮者東奔耳然南紫荆北羅運各有間道可以夾項扼此一隅而三面迫蹙譬之釜魚安所逃也故曰宜速至於府江上起陽朔下抵蒼梧遼遠三百餘里萬山參錯曲徑盤雲草樹淒迷蕙若禾麥暴客踈伏土著者少而外乘者多奄忽往來捷若鬼魅一有警急即狼竄麋跳無復踪跡故欲治府江則恭城平樂懷集賀縣修仁荔浦永安五屯茶力二山之間皆宜一歲之前屯兵積粟以能者主之熟其嚮道探其險易擾其耕耘賊必且驚且拒營巢負險然後益以外兵諸道並入環而攻之庶可滅也若

欲以旬月之間懸軍深入賊必漫走莫可窮搜縱使刊木於山伐石於江亦涉迂疎非良策也故曰宜緩雖然諸蠻縱而惡法戇而易欺衛所之官世掌其土與廂市大家倚法豪舉丁剝而戶漁之食租衣稅視爲私人危言千萬不使一控公門陳情白事得其利則爲之掩隱埋姦誘引飄掠一不當意則宣露宿惡傳以醜詞聳動官府稍不加察或單軍輕舉失重損威釀成大禍此則兩江通弊也昔人有言在內曰奸在外曰宄御宄以德御奸以刑治內詳而治外略救寇之策斯其首端乎至於調發土官往往方命不受節制賊未及平而所過良民已遭荼毒爲時通患其弊有二一曰無才二曰納

賄蓋土官軍官聯合一體而督府左右尤爲腹心世世藉賴  
故提督守巡孤立頻徙分隔而情疏易於欺慢寡謀怯膽則  
相與搆浮言設險械嚇以跋扈令我畏縮若有罅可投卽誘  
以甘聲陷以珍貨一受結納則無復忌憚是以軍令不張國  
法不信積弱之弊非一日矣故邊方之官非有爲不足以戢  
亂非有守不足以服人又非久任不足以諳土俗也誠得其  
人而任之寬其約束優其寵榮卽滿考不代庶蠻人帖服邊  
患稍寧耳

論新建伯撫勦地方功次疏

霍 韜

竊見新建伯南京兵部尙書兼都察院左都御史王守仁奉

命巡撫兩廣已將田州思恩撫處停當隨復勦平八寨及斷  
藤峽等賊臣等皆廣東人與賊鄰壤備知各賊爲患實跡嘗  
竊切齒蹙額而歎曰兩廣良民何不幸生鄰惡境又嘗竊計  
曰何日得一好官員勦平各賊俾良民各安其生而頑民染  
患未深者亦得革心向化乃今恭遇聖明特起王守仁撫勦  
田州思恩地方臣等竊謀曰兩廣自是有底寧之期也聖天  
子知人之哲也是役也臣等爲王守仁計曰前巡撫動調三  
省兵若干萬梧州三府積年儲蓄軍餉費用不知若干萬復  
從廣東布政司支去庫銀若干萬米不知支去若干萬殺死  
疫死狼兵鄉兵民壯打手不知若干萬僅得田州安靖五十

日自是而思恩叛矣弔巖賊出圍肇慶矣殺數千家矣此賊  
併時同出蓋與田州思恩東西相應者也若王守仁者乘此  
大敗極敝後仰承聖明特擢之恩卽合四省兵力再支庫銀  
百餘萬兩支米數百萬勦平田州報功級數萬人亦且曰天  
下大功也然而守仁不役一卒不費斗糧宣揚陛下聖德遂  
致思恩田州兩府頑民稽首來服其奉揚聖化以來遠人雖  
舜格有苗何以過此臣等是以歎服王守仁不惟能肅將天  
威實能誕敷文德也若八寨斷藤峽又非田州思恩比也天  
下十二省俱多平壤惟廣西獨在萬山之叢其土險其水迅  
其山之高者有猿猴不度飛鳥不越者故諺語曰廣西民三



而賊七由山高土惡氣習兇悍雖良民至者亦化爲賊也八寨賊洪武年間所不能平斷藤峽成化八年都御史韓雍僅得討平及今五十餘年遺孽復熾柳州慶遠鬱林府江諸路時出劫掠官兵亦屢請征之若八寨賊則自國初至今未有輕議征勦者蓋謂山水兇惡進兵無路消息少動賊已先知一夫控險萬兵莫敵以故一百六十餘年間曾未議及賊亦恃險肆惡時出攻圍城堡殺掠良民何啻萬計四方頑民犯罪脫逃投入八寨則有司不敢追攝鄰近流賊避兵追勦投入八寨則官兵不敢誰何是八寨者實四方寇賊淵藪也斷藤峽又八寨之羽翼也廣西有八寨諸寇猶人有心腹疾也

八寨不平則兩廣無安枕期今王守仁沉機不露掩賊不備  
一舉而平之百數十年豹虎窟穴掃而清之如拂塵然非仰  
藉聖人神武不殺之威何以致此臣等是以歎服王守仁能  
體陛下之仁以懷綏田州思恩向化之民又能體陛下之義  
以討服八寨斷藤峽梗化之賊也仁義之用兩得之矣謹按  
王守仁之成功有八善焉乘湖兵歸路之便則兵不調而自  
集一也因思田効命之助則勞而不怨二也機出意外則不  
及遞所誅者皆積年渠惡非往年濫殺報功者比三也因歸  
師以討逆賊無糧運之費四也不役民兵不募民馬一舉成  
功民不知擾五也平八寨斷藤峽則極惡者先誅其細小巢

穴可漸施德化使去賊從良得撫勦之宜六也八寨不平則西而柳慶東而羅旁線水新寧恩平之賊合數千里共爲窟穴雖調兵數十萬費糧數百萬未易平復今八寨平定則諸賊可漸次撫勦兩廣良民可漸安生業紓聖明南顧之憂七也韓雍雖平斷藤峽賊旋復有賊者實當爾時未及區畫其地爲經久圖歷五十年之生聚則賊復熾盛也亦宜今守仁旣平其巢窟卽徙建城邑以鎮定之則惡賊失險後時固不能爲患逋賊來歸不日且化爲良民矣誅惡綏良得爲民父母之體八也或者議王守仁則曰所奉命撫勦田州思恩也乃不勦田州則亦已矣遂勦八寨可乎臣則曰昔吳楚反攻

梁景帝詔周亞夫救梁亞夫不奉詔而絕吳楚糧道遂破吳楚而平七國安漢社稷夫不奉詔大罪也景帝不以罪亞夫何也傳曰閩以內寡人制之閩以外將軍制之又曰大夫出疆有可以安國家利社稷專之可也古之道也是故周亞夫知制吳楚在絕其食道而不在於救梁也是故雖有詔命猶不受也惟明君則以爲功若腐儒則以爲罪今王守仁知田州思恩可以德懷也遂納其降而安定之知八寨諸賊百六十年未易服也遂因時仗義而討平之仁義之用達天德者也雖無詔命先發後聞可也而況有便宜從事之旨乎或者又曰建置城邑大事也區畫錢糧戶部職也不先奏聞而輒

興功可乎臣則曰古者帝王千里之內自治千里之外付之侯伯而已是豈堯舜湯武聖智反後世不如哉蓋慮與圖既廣則智力不及與其役一己耳目之力而無益於事孰若以天下賢才理天下事爲逸而有功也是故帝王之職在於知人而已既知其人之賢而委任之矣則事之舉錯一以付之而責其成功若功效不孚乃制其罪可也今既任之又從而牽制之則豪傑何所措手足乎是故王守仁之平八寨也所殺者賊之渠魁耳若逋逃者固未及殺也乘此時機建置城邑遂招逋逃之賊復業焉則積年之賊皆可化爲良民也失此機會撤兵而歸侯奏得旨乃興版築賊漸來歸又漸生聚

據險結寨以抗我師雖欲築城亦不能矣昔者范仲淹之守西陲也欲築大順城慮敵人爭之乃先具版築然後巡邊急速興事半月工成賊覺而爭之已無及矣爾時范仲淹若俟奏報豈不敗乃事哉王守仁於是建置城邑之役蓋計之熟矣錢糧夫役固不仰足戶部而後有處也其以一肩而分聖明南顧之憂可謂賢矣不以爲功反以爲過可乎先是正德十四年宸濠謀反江西兩司俛首從賊惟王守仁同御史伍希儒謝源誓心効忠不幸奸臣張忠許泰等欲攘王守仁之功以爲己有乃揚諸人曰王守仁初同賊謀及公論難掩乃又曰宸濠金帛俱王守仁伍希儒謝源滿載以去當時大學

士楊廷和尚書喬宇亦忌王守仁之功遂不與辯白而黜伍  
希儒謝源俾落仕籍王守仁不辯之謗至今未雪可謂默啞  
之冤矣夫國家論功有二道焉有開國効功之臣焉有定國  
拯危之臣焉開國之臣成可侯也敗則虜也雖勿崇焉可也  
惟禍變倏起社稷安危凜乎一髮効忠定亂之臣則不可忘  
也何也所以衛社稷也昔者王守仁之執宸濠也可謂定亂  
拯危之功矣奸人猶或忌之而謗其短夫如是則後有事變  
誰肯効忠乎甚矣小人忌功足以誤國也臣等是以歎曰王  
守仁等江西之功不白無以勸勵忠之臣若廣西之功不白  
又無以勸策勳之臣是皆天下地方大慮也王守仁大臣也

豈以功賞有無爲重輕哉第恐當時有功之人及土官立功之人視此解體則在外撫臣遂無所激勸以爲建功之地耳臣等廣人也目擊八寨之賊爲地方大患百數十年一旦仰賴聖明任用守仁以底平定不勝慶忭今兵部功賞未見施行戶部覆題又復再勘臣恐機會一失大功遂沮城堡不得修築逋賊復據巢穴地方不可勝慮也是故冒昧建言惟聖明察焉乞早裁斷俾官僚早得激勸城寨早得修築逋賊早得招安良民早得復業嶺海之外歌詠太平祝頌聖德實臣等所以報陛下知遇一節也亦臣等自爲地方大慮而不得已也



平斷藤峽碑

毛伯溫

按峽舊名大藤曰峽有藤大如斗延亘兩厓諸蠻遏商艘掠郡邑援藤出沒若蟻渡然是其險以劇寇著也烈哉韓公雍已平茲峽改曰斷藤故粵有督府自平大藤始嗚呼民有寧字者僅數十年乃復遽阻於峽夫藜莽旣翦厥有遺孽久則蔚蒼先是有勒田寧之師襲擊之者峽南稍平而其北繹騷以起蓋渠賊匿而孽本存也侯勝海者居弩灘稱亂其讐土酋黃貴者誘勝海入市中刺焉其弟公丁擁衆噪城下殺居民而去巡守左江諸司陳其狀於督府乃設拂審勢者之議擊以輕兵賊聞先遁卽設堡以兵三百戍之公丁鳩其黨夜

犯兵之遇害者二百人巡按御史諸君疏演其事請征詔曰  
可時兵部侍郎兼都御史蔡公經文武兼資茂膺帝簡受茲  
闕寄而部檄鄭重以征峽之命申飭焉公秉鉞奮虔巡按御  
史鄒君堯臣贊畫益力適有安南之議請緩之而公丁橫勢  
日急潯柳之人若集於蓼參政翁萬達時爲副使議曰腸胃  
之疾待時而可治乎公以爲然萬達與參議田汝成計遂羅  
得公丁檻致軍門磔於市僉議舉兵襲會撲其醜類乃復持  
見不一或曰首惡已俘餘黨褫魄王者之師示威而已又曰  
殲之不得必且招之招之不若容之以爲德也萬達曰不然  
誅其大慝其衆必搖勢弗可已也而况慄鷲冥頑雖厚施不

爲德耶或又進孤軍猝勦之說汝成議曰違時不可以居功  
惜費不足以弭患萬一諸蠻自揣不免峙糧徒巢伏匿深  
必大會兩軍側入窮搜而後已若猝勦非計之得公乃度衆  
說而宰決焉時十八年正月也於是以副總兵張經將左軍  
翁萬達監之會於南甯而指揮王良輔朱昇凌溥柳浦周維  
新孫文繡屬焉以都指揮僉事高乾將右軍副使梁廷振監  
之會於賓州而指揮馬文傑王俊戚振吳同章屬焉督餉則  
參政林士元參議田汝成紀功則副使蕭晚二月丁未兩軍  
齊發誓師作銳按圖授略分哨截隘出奇設伏南北夾擊衝  
援縱橫賊大敗奔潰而東王良輔暨諸偏領鼓兵邀擊之復

蜂潰而西諸君鑿斬勢若刈菅其俘者具言官兵聲至酋老約毋結巢今直漫走東奔者已入羅運山矣遂移攻羅運檄右軍抵長州沿江而東繞出其背賊乃刊木塞逕布蒺藜置礮簽懸石樹杪莽中則伏機弩毒鏢我軍悉皆奪之斬其迎敵者賊復大敗適平南古陶諸徭亦弗靖即乘大眾取道平之乃以三月庚寅班師四十五日凡斬賊級一千三百五十有奇俘獲四百五十有奇奪其孳械無算丐降聽撫者二千九百有奇咸自犁故巢挈遷曠原以就編隸峽旣平萬達汝成復相與酌議陳善後之策於公其目有七皆鑿鑿然恬輯之要以是柳潯之間河疏道通農業工器監牧者紓隱憂矣

是年予奉命偕平安南之僭明年冬班師於邕柳守戴嘒其  
狀介其屬教諭趙翰高詣邕曰柳者峽賊之所便而受害必  
先者也今固可臥護矣而敢忘其靖謐之自乎敢以記請  
東塘子曰蠻獠之碁布南土也種種爾其毒烈浸淫非可以  
仁柔之也故雖聖哲者作亦必杜其警端震之以兵然而雍  
舉則有遺本罟設則有穴竄於是乎吾觀平峽之續而知君  
子之猷也蔡公閩人字廷彝沈毅惠達日無全寇聲實洋溢  
虛懷哀善是故羣才樂爲之用翁君淵察敏斷應變不置張  
君洵茂重慤持柄靡忒田君知謀善慮宣博有本蕭君敦恪  
公亮持法不撓皆文而知權者也公能用之故張不窮威弛

不遺艱斯則共服社稷之後允托金石之傳宜備紀矣乃今  
安南之平公實元勳而翁君蕭君張君暨王良輔復同事平  
夷尊夏之功視征蠻益烈豈偶然哉戴守循廉有聲聿修政  
要治船三百具舉水軍之煬與有勞於平峽得并書云

平斷藤峽碑

郭文經

斷藤峽在潯州北境江源出黔滇經柳象逾武宣東流爲峽  
江灘激湍鳴電奔雷鬪兩崖萬山延袤可六百餘里攢壁東  
流峻嶺崖巘谷隱林亘列峒晝黑猿蠻異類盤據其間恃險  
爲巢倚山立寨狙詐鼠伏豕突梟張自古百粵寇盜稱難平  
者爲藤峽云成化改元襄毅韓公雍將兵十餘萬討平之潯

人始藉有寧字正德末年孽漸繁嘯聚剽掠江道復阻都御  
史陳公金用撫處之策陷以魚鹽瓦器商舶稍通狼欲無厭  
尋復爲梗嘉靖五年新建伯王公守仁以田寧之役振旅道  
潯出奇兵勦伐南賊頗懾伏而峽山以北諸獠哀兇鞠頑勢  
日新熾十六年守臣誤聽武人之言遽立堡以兵三百戍守  
其地大寇未滅而我威不揚懸孤羊於虎口何能爲也頃之  
賊首侯公丁聚黨殺戍兵變聞疏其事請討之十七年令提  
督左侍郎蔡公經定遠侯柳公珣集諸司問計時副使翁君  
萬達分巡守左江條列諸便宜而蔡公可之悉以軍事屬翁  
君密計擒公丁遂棄市翁使指揮周維新千戶李宗圖道路

山川遠近險易之狀設間諜募鄉導巨謀纖計悉爲規畫事  
既有緒乃白蔡公以副總兵張公經將左軍三萬五千六百  
有奇翁君監之會於南寧指揮王良輔朱昇柳浦凌溥周維  
新孫文繡屬焉以都指揮高乾將右軍一萬六千二百人有  
奇副使梁君廷振監之會於賓州而指揮馬文傑王俊戚振  
吳同章屬焉紀功則副使蕭君晚督餉則田君汝成暨參政  
林君士元乃於十八年二月丁未兩廣齊發左軍則王良輔  
率部兵繇牛渚灣越武靖攻紫荆大冲根姜老鼠諸巢朱昇  
率部兵繇三等村渡蓼水攻二驢石門軍營大黃泥嶺諸巢  
柳浦率步兵繇白沙灣攻道祀大井李儀洪泥梅嶺諸巢凌



浦率部兵繇白沙下灣攻大昂屋夏小梅嶺諸巢周維新率部兵繇白沙上灣攻胡塘涿水竹埠諸巢孫文繡率部兵繇斷藤峽溯流與六軍合攻大坑巢右軍則馬文傑率部兵繇武宣過太廟從流而下攻碧灘涿水諸巢王俊率部兵繇武宣踰山而東攻羅滌上峒戚振率部兵攻羅涿中峒吳同章率兵攻羅滌下峒又遣指揮左輔巡邏營壘之間諸軍南北夾攻賊盜大窘欲北走府江王良輔以兵邀擊之中斷復西奔諸軍鏖斬千二百級而東奔者遂結巢羅運據險設伏迎敵我軍皆以計破之斬首百餘級賊盜愈大窘會平南縣小田羅應羅鳳古陶古思諸獠亦弗靖田翁二君復移軍勦之

斬首五十七級乃以三月庚寅班師凡四十五日而畢事降其餘黨四百人而江南諸獠投順者千餘人藤峽悉平翁田二君乃相與陳善後之策上督撫從之其日有七具載藤峽記略書可考也先是賊首侯公丁繫獄中諸獠喑喑言漢法只坐公丁不虞官兵卒至駢首就戮故不二月而獻捷曾聞父老相傳今日平峽之功視之韓襄毅爲尤烈云文經潯人也習見諸大夫計定帷幄謀成几案師出以律兵不過戮故鼓進之日市無易肆農無廢業順者幸寧逆者悔過邇來邊堠無警樵採不驚峽道晝行城門夜啓有首有趾咸識太平諸大夫之賜也使繼諸大夫者篤行前猷潤澤七事以防遏

其端而潛消其漸則所以功德吾民者甚厚亦諸大夫立法垂永本意也周維新王良輔李宗輩從事茲役又以潯人父老言屬文經紀之因叙始終大略詔來人以示觀風者采焉  
以上紀事之文

請准雲涓先生從祀鄉賢公稟

清文

黃榜書

爲奉請詳准從祀鄉賢事竊以砥名礪節修儒有潛德之光  
褒法錄賢聖世重明禋之典邑有已故國子監典籍黃雲涓  
先生諱體正者稟質剛方飭躬嚴正材儲匡濟學底精純陟  
帖髻齡幾泣子羔之血倚閭壯歲思遺考叔之羹友愛發於  
詩歌鵠原增感整肅垂爲家法鯉訓遙傳而且睦族敬宗潔

春秋之蘋藻安貧樂道卻暮夜之苞苴內行已充光輝斯耀  
逮乎首領鄉薦五上公車羨陸公之得人羣推國士惜劉蕡  
之下第但號明經訓安隆者三年官建陵者八載作人制公  
田之澤近學雲興錄士陳開府之書文壇夙靜孫復高行不  
媿人師韓愈能文特遷國子爾乃書辭鸚鵡荐懷知止於林泉  
座擁皋比樹隆名於山斗教授分經義治事造就良多交遊  
皆耑學各賢切劘彌遠以故型方訓俗讀法仿於周官居安  
思危履霜嚴於易象既父詔兄勉之交儆復備荒弭盜之兼  
籌何期事防未然患生身後萑苻興而始思子產突薪徙而  
倍服徐生學具本原材堪實用等身著作悉躬行心得之餘

經世文章寓治國齊家之要溫公之雜議尙在藍田之鄉約  
猶新不獨工部詩篇發抒忠愛康海記載筆削精嚴已也是  
以今昔知名賢愚慕德大吏欽其品望禮絕羣僚斯文奉爲  
楷模感深曠世儒林可傳詢爲一代之完人師表常存宜作  
千秋之俎豆用是條陳事實並採遺書加具切結敬謹上陳  
懇請詳准鄉賢庶幾表彰碩彥鼓舞彌神趨步先民奮興有  
自某等無任懇悃待命之至

擬梁建剛一門大壽序

魏篤

昔華封之祝堯也曰多福多壽多男子而不及好德商貞臣  
之陳洪範也曰富曰壽曰攸好德而不及多男魯臣子之頌

僖公也曰令妻曰壽母曰宜大夫士庶而不及子孫蓋壽之於人亦至不齊之數矣而以一門之中合祖父兄弟翁姑妻媳叔姪孫兒輩享三世之高壽徵五世之同堂或壽逾百齡或壽登期頤或壽至古稀稽諸典籍史冊中歷夫冀克吳楚地求所謂人稱上壽者已不多得卽偶一遇之亦祇於數百家中幸獲一人或數千家內幸得之一二人能如我溥所稱

為梁公建剛者一門大壽數擬登瀛

梁公夫人婦兩子四人媳六人孫三人子四人孫媳

三十人共計三

世十人八人為千古之奇遇者蓋罕有其匹也公世居桂平

上都里家小康淡薄自奉性和平一生無所求悵鄉鄰之有

所請者不能却應所求而輒忘人以是無論賢否皆皆德之此

外之爲都人士所籍籍傳稱者大都皆好行其德之所爲而不自德也近是吁是亦足矣夫匹夫行修閭黨不求人知而人亦無多知者究其善氣所積德器所凝鬱久必發不必徵而爲景星慶雲也不必招而至祥麟威鳳也卽此大和之洋溢一身不能獨當也浸假蒸而及一門延而至閭家無不父勉其子兄勉其弟夫宜其婦子勵其孫而且姑訓其媳媳承其姑離離藹藹孳孳綿綿無一息之缺陷以擾其貞固之性天且歷時祇此百年舉家一十八口直如一身之手足官骸血氣筋脈充足於中並無一切之殘廢疲癯妖札癘疫以戕於外完一身卽完一家壽一身卽及此十八口如梁公建綱

者真壽中之提綱而三元中之統會也三子皆排行以三元以

故聞於上而聖天子為之壽顏播於鄉而愚夫婦為之加額

拜表而稱為人瑞建坊而榮以千秋公妻蔣氏壽一百四歲

實字蓋曠典也皆公於中饋中親目觀之實村並賞及六品風冠

推而至於叔子以國學壽逾九十榮膺引年長孫以佐領壽

七十名附仙尉余蓋反覆擬議而卒無易於倡壽之在梁公

一人也况考公之生平淡薄無欲人也無欲者常靜靜則壽

其於人無伎求也無恃求者心公則壽又好行其德而不

自德也近乎仁仁則壽而又非虛為摩想也吾得實而証其

享年之永得數九十有三是穆考錫齡之歲也吾得切而誌



其德配之榮旌表一百有四歲是老萊戲彩之辰也而且商  
有芝霜凝皓首房有蕙露湛萱庭而且進羹湯者分我杯羹  
祝梗噎者復事含飴舉數十年來之子又生孫姑又納媳諸  
福之臻閣家之樂皆梁公一生之涵濡浸潤也以視夫五代  
榮封九世同處縱未可同年語乎而獵舊聞侈盛談爲正史  
所不道亦豈能如公之庭除父父子子兄兄弟夫夫婦婦  
祖祖孫孫祝眉壽以無疆歸一老之坐享用以備實錄而光  
志乘俟其躋爾豈不猗歟是爲序

以上紀人之文



桂平縣志卷五十四

紀文

賦錄

白石山賦

宋運新

維潯之南有山崛起特地呈奇冲天不倚體勢聳雙峯觀瞻  
秀千里雖在玲瓏之玉莫擅嘉名抑惟清白之姿差堪色擬  
爾乃中虛外峻天作人成勾漏留丹砂之跡會仙影白石之  
名脉接大容之氣笏森原野之平旣備潯陽形勝且當郡治  
離明彼夫閔石非不競秀象止列戟排旌羅叢亦號靈區勝  
第巖暢泉泓苟無讀書自昔曷使仰止深情孰若斯之旣堅

且白亦介以貞含露凝霜挺金莖而千尺凌霄插漢聳玉柱  
以雙擎是故遠而觀之若金銀騰氣輝丹竈之餘煙若巨靈  
伸臂撐碧落於南天光芒倚晴空以直上星斗連絕頂而轉  
旋近而玩之縹渺空明洞疑清虛之府冲和冷冽竅流漱玉  
之泉乍玲玉珂環佩徐看瓊液潺湲則見其體具端凝中含  
幽邃峰高而銳卓然玉筍聯簪石虬而鱗宛矣金鰲聚類皎  
潔堆瓊花之燦積素嶙峋霏微生觸石之雲飈揚靄瑞是以  
形高八桂之林秀拔三江之萃當夫時和景淑花盛草茵夏  
雲增奇秋雨洗塵梅雪尋良友名山盡可人憑四時以探賞  
物隨候而怡神觀山川之甲郡悟嵩嶽之生申於是捫藤蘿

披瑞草俯視鬱林遐瞻瀛島徑不必其桃溪望已迷於練縞  
跂芳踪於程仙藐飛昇之葛老懷清履白既不慕乎玄玄蘊  
璞發光豈僅全夫皓皓

左右江賦

胡機

緬史緣之通百粵兮穿靈渠以進艤馬伏波之討側貳兮平  
五嶺而定三江載駱越之銅鼓兮飛八桂以雙雙壯灘聲於  
潯水兮奔萬頃之濤瀧開鳥濟於谷永兮夷巢十萬其來降  
至今亘千秋而不竭兮滇黔兩派之淨縱矧天塹之要區兮  
界交南其未遠侍千里之晨昏兮退子舍而繾綣鎮城堞以  
週遭兮峙思靈之絕巘溯襟帶之灤洞兮來南北以遊衍余

將駕一葉兮騫槎據上游兮送青眼補桑氏之水經兮陋虞  
衡之舊簡其在於左則有交趾之水發源十萬之山由遷隆  
歷思明兮下龍江以回環龍江兮上下凍安所適從兮龍司  
中灣彼群峒其右注兮豈來也之無端自土富而達奉議兮  
遵上林果化而貫隆安合江有鎮兮罄交歡交趾群峒兮並  
潺湲其在於右黔水所受清水則融江之胚胎都勻則龍江  
之營媵黎平懷融兮右爲通獨山慶遠兮左而走遂盤旋於  
柳城共崩騰以馳驟若紅水與清河兮肇瀉南以邂逅出維  
摩及陸涼兮見別支其來湊合烏泥都泥之江兮竟爭先而  
恐後因而綜核夫衆水之經絡左右之宗支派厥有六餘則

難齊曰豈曰鬱者南江互號曰柳曰象者北江殊辭其叩關  
而請謁者武則右臂之倚貴實左翼之垂或同舜禹之禪相  
爲揖讓間擬商周之局一著戎衣至於滕薛爭長齊晉盟師  
直壯曲老去否從宜觀漢高之統一徵溥水之如斯余乃盡  
興而還從流以下旣彼此之皆周兮卦蒲帆其如漉恍然其  
若有所觸兮亦儼乎其如有所託竊以天地萬物之靈悉可  
於水而觀其化彼夫秋而冬兮春而夏暑而寒兮晝而夜黃  
而帝兮王而霸榮而開兮枯而謝以水例之知散者之有聚  
兮常者之非乍且夫瀛海水之玉江河水之亞粵百谷兮多  
巨流溥一澤兮爲旁借而亦左之右之逝而不含有如斯也

哉且余聞敦化者道之本川流者道之殊自天一之生水兮  
成地六而周六墟多一勺而迄不測兮滙涓涓其成渠茲兩  
江之雄炎微兮勢湍激以赴江湖北黔南鬱而暨訖於溇兮  
清灘復會而總於蒼梧然則君子之於道也卽太極之生兩  
儀兮知四象八卦之變動不居溯帝王師相之流長源遠兮  
豈濂洛關閩之或有分途宜川上之感喟兮以有本爲權輿  
王者之祭川兮先河後海之相徐余將觀於海而難爲水兮  
先粵兩江而悟淵泉時出之非誣

西山乳泉賦

以三清巖左史隱洞旁爲韻

潘 鉅

繫思陵之巖業跨黔鬱乃煙嵐中凝瑞乳徐漾清潭映繁花



之七七環香徑之三三暗漱玉聲響出山巔石竇斜通竹院  
寒侵佛頂燈龕當夫纂纂春雲飛飛晚翠草色平分林霏頓  
異隨風密濺如咳唾之下天傾耳遙所似震雷之奮地姚先  
生至止手掬清流李御史歸來洞傳隱吏觀活潑之如斯誠  
淵源之有自爾乃前溪結脉空壑流聲溶溶泚泚冷冷清清  
涵竹液之輕虛非於物而近取融塞酥之潤滑究與人而無  
爭茅山玉脂何當上品零陵鍾穴孰錫佳名郡主祠邊沁一  
泓之清白三寶觀下開四面之空明厨裡烹茶老僧出汲林  
間滌暑樵子怡情於是勢散高低流分遠近魚吹細浪觸卷  
石而紆迴花舞幽岑對澄波而顯隱源頭徹綠豈同行潦潢

汗水面浮青應有蘋藻蘊僊人南嶽浮來素鯉之書王母  
西池墜落紅蓮之粉至其透迤一線密邇層巖規中峰之色  
相見此際之機緘點點無埃同承露於霄漢綿綿不絕疑降  
雨於峯嵌汞湧丹崖隨瀑下而拖越練濤翻白雪向空中而  
撒吳鹽若乃大氣困盤輕飈遞送漑瑤草之靈根濕瓊出之  
深洞象維習坎叶既平海至之占卦日出蒙有育德果行之  
用視彼窪泔之利未免涓微之方廉讓之間定當伯仲况乎  
高言藥石柳記謠祥有神斯祐其津孔長禱祠於三清巖側  
溯洄於五里城旁飲泉覺爽兩頰生香泫泫朝畦沃天於膏  
於蘇子溫之石髓傲兒齒於張蒼挹跳珠之百斛賞派玉之

千行固宜有客觀瀾沿林跌坐滄菊山間誅茅泉左洗十年  
之塵襟覺一邱之得我山靜似太古長此淵淳人間定不回  
惟應洞鎖是以登高作賦每相對而有懷鑑水明心亦安往  
而不可

捲雨樓賦

以綠禾潤青嶂開公韻

潘 鉅

城闕連綿山樓結束蔓草縈青平原延綠望奇峰而巒嶸雲  
起三枚對老樹之玲瓏鳥飛一足錫名捲雨可息轟厖恣意  
披圖如親彳亍爾乃煙浮鄴郭風扇巖阿江鷗戲罷石燕飛  
過凶郎戴笠寒女披簑旋來伏潤之肥膏融香穉頓見甘津  
之澤影散瓊禾凭層欄以極目慶庶物於時和地控偏隅簷

高數仞與思古而相當借觀風以並峻依稀平遠摹畫譜之  
新翻彷彿峻嶒覓苔痕之舊印何須望鴈翼曾棲不藉湧  
金金枝自潤如依淨練愛淨洗之娟娟若傍寒亭覺寒侵之  
陣陣至其微飄虛牖高灑疎櫺初掛朱簾訝暮景之將霽俄  
飾碧瓦仍痴雲之未醒樹倚門而落葉鳥穿戶而梳翎雉堞  
參差動悲聲於短角荔牆繚繞抱清影於長亭散漫披帷輕  
埃漠漠空濛拂檻薄霧冥冥人在樓中消習靜以浮白山當  
雨後結氛氲而吐青於是叉手而吟豁眸而望白石森羅紫  
荆蕃暢搜前代之書巖盼平波之畫舫冷冷可聽鑒彼乳泉  
汨汨其來迎茲蓬浪形恍惚於千端神夷猶於萬狀鏡寫清

流劍攢遠嶂用紀登臨時容跌宕悵高城之迢遞撫古蹟以  
徘徊明燈未上錦幕猶開同志喜之亭誰爲作記擬罷歌之  
閣定有憐才或語頗衰知此處興復不淺倘逢遽集問於斯  
適從何來嶺頭雲合樓上詩催共卜甘霖之沛而待看弱幹  
之栽

登喜雨樓賦

有叙

林有席

乙亥十月旣望林子與太守植堂先生登郡署喜雨樓  
高瞻遠矚水抱山環平野蒼然炊烟相接而先生治術  
崇閱遠邇恬熙宛然在目不禁蒲志躊躇少頃讀樓記  
及落成詩有味乎其言之又題柱句云西山屏障通靈

脈甘雨恩膏溢郡樓蓋取建樓之由名樓之義悉舉之  
矣遂以爲韻而作賦曰

稽古烏滸之野黔鬱之溪名山轟轟拔地嶷嶷開青蓮兮九  
瓣鋪綠葉兮平池定位則迤邐而上辨方則雄據於西厥土  
斯旺厥基孔宜咽喉通夫交趾鎖鑰控彼蠻夷撫形勝而觀  
天塹固金湯以息鼓鞞斯皆寄全城於典郡惟良二千石是  
憑依者也於是植堂先生發跡廬嶽出守粵山鑑清潯之雙  
練對白石之孤巒聽灘頭之銅鼓俯滄下之波瀾不禁喟然  
興嘆曰吾所守土非昔日馬援所經谷永所置陸績所安者  
乎誠欲溯芳躅步後塵驅瘴癘子黎元倘無關雝麟趾之意

而妄法乎周禮周官何異却行而求及前焉爾其坐黃閣倚  
雲屏宣鬱滯達輿情敷聖天子之愷澤道德齊禮而輔以政  
刑善頌善禱兮絃歌韻叶匹夫匹婦兮犛獯心傾自我侯兮  
泣止俾鷄犬兮皆寧爰以休沐餘閒勤思興創文昌偕饗序  
增輝清風與迎暉相望城南樓煥真四面之洞穿忠義祠新  
慰羣黎之瞻仰洵振弊兮起衰作南天兮保障至於堂開旭  
日座藹春風臨位面東方之卦發生覘淑氣之融凜朽是懼  
非體何崇是用敬涓吉且選料鳩工扶欹斜爲正直易剝落  
以豐隆外則觀瞻作蕭內亦寬裕有容念自公而退食豈登  
陟之靡從試攬扶輿之秀永宜呼吸之通已而樓森後圃雲

護前楹厚其基址高其飛甍擴然者其體聳然者其身橫斜  
者其檻疏密者其櫺或前而砌或中而庭或戶而入或梯而  
升或棲遲兮偃仰或顧盼兮玲瓏戒今始其勿亟果何德以  
稱靈况夫地本朱明時逢炎赫炊煙疑斷於青黃枵腹正傷  
夫蒼赤亢陽無悔早魃興嗟零雨其濛油雲安適莫感召兮  
天和登雩壇兮自責切乃身兮一體痾瘵冀流通兮四郊血  
脉未幾歡呼老叟狂叫童男霹靂未益滂沱正酣獲隨車之  
慶逢沛澤之甘旣霑旣足引養引恬歌休和兮聖代直咸五  
兮登三維時植堂先生呼童命觴歡然起舞顧客而言曰幸  
哉受天之祐矣夫吾之構斯樓也豈以自娛而莫知所處環



視吾民苟其所惡之或施所欲之未聚縱逸樂之是耽終自  
叢其怨府邇者天鑒在茲以有斯雨雨降而樓成不喜雨之  
名義將焉取抑聞兩書魯史早憫周宣祥稂之徵非偶巫尪  
之暴徒云自化工之潤物普美利於不言乃酌斗酒賦詩篇  
記歲月志天恩依稀蘇子之踪於今爲烈爛醉潯陽之澣含  
毫渺然是知先之憂者後之樂業之大者功之高羌時移而  
歲改得携手於今朝南津兮古渡北岸兮漁樵西山兮晚照  
東郭兮輕舸壯哉觀也莫不暢逸興而破蕭騷先生安懷念  
切富教心勞靜兩江之浪流四野之膏展江城兮圖畫接煙  
火兮樂郊登斯樓以極目信物與而民胞林子憑欄問於先

生曰曩者五山九懷與藤峽出沒巨奸大滑非狗偷鼠竊之比韓王翁田諸公決策戎行勳垂百粵其諸險阨猶有指而述歟先生引手示曰黔江上遊遠峰突兀距三十里而遙實猛狺所宅屈承平以來利川貞吉百有餘年矣林子曰聖朝柔遠安邊大化旁溢集萬國之冠裳戴堯天與舜日觀今所以得知昔所以失宜先生之臥理從容潤飭乎經術也先生曰經術方疎黍竊踰分君言及斯交迫慙汗載琴鶴以扁舟濫一麾於邊郡雖抖擻乎精神終遜能於兩漢繼自今益當探吏治之源誦循良之傳值未邁兮居諸願無忘兮明論林子聞此睪然高望而志遠焉乃爲之歌曰楚客兮粵陬桂之

春兮溽之秋溽之秋兮秋又暮歌陽春兮聊淹留匪庚信兮  
蕭瑟若王粲兮依劉樂莫樂兮故鄉侶夕繾綣兮朝綢繆十  
月之交兮月之望邊風靜兮清齋幽扶之掖之兮登高遙睇  
豈不懷歸兮路阻修玩白雲之渺渺兮眺江水之悠悠試舉  
頭於天外兮相與罄歡觴詠於斯樓

銅鼓賦

并叙

袁 枚

蓋聞寶以德興玉磬收之建武物因人至龍泉佩自張  
華况夫鷄婁名文密湏神器雖陶鎔於丹竈已藏迹於  
青洪銅鼓者漢伏波征交阯之所鑄而武侯擒孟獲之  
所遺也然而代遠年湮星移物換商山宛在誰能復聽

鳴鐘泗水依然不復再擊古鼎此皆神靈呵護必待傳  
人而亦德政薰蒸始邀瑞物大中丞金公三江沐德百  
粵銘仁福雲隨銀甕俱青甘雨共金船並紫於是耕夫  
前獲漁父復收一則進之闕前聿昭祥化一則留之纛  
下用肅軍門目覽手披丹砂璀璨心移神注紫藹輝煌  
因思雀籙鷄碑久費書生探訪何幸聊蒼洞歷忽爲文  
士觀瞻不揣淺疎謹爲之賦

當夫月華炫羽霓彩飛旌採赤透於蜀壘求銅精於灌城倣  
爾雅蠶麻之制依周官馨晉之名於是蒲牢獨造金鑄揚聲  
光分雷琥氣並沉明軍魚麗而齊擊陣龍膝而偕鳴協始興

之聖鼓叶羅浮之神鉦天吳爲之震蕩水怪爲羣驚陶鎔於  
三十六鑪蛟龍捧炭威揚於二千百島金鐵皆兵爾乃九乳  
灼然水沉千紀歷唐宋以猶湮含盈虛而不滓歲遠則鑄背  
生苔年深則蛟涎滑體星魂月魄久藏羊館之珠鳳鹵鸞儀  
似擘麻姑之指汾陰獻瑞豈勞鈎鈇以纔浮溇水呈祥不聽  
琵琶而亦起其狀則體如坐墩面同博局葱嶺點砂環環砌  
玉腹自臍以內空腰較首而微束勢躍躍於嶽岑紋彬彬於  
沉綠舊紐拖襟餘蟾瞪目或褰縐而成削或霜皴而雪剝八  
面七星之迹誰知九敲三搥之技不復金砂澄碧想見南郡  
之銘銅訶耨淵停髣髴雷門之石鵠其色則丹螺獻甲鰲背

成峯花似繡而若纈文已直而猶縱遠而望之若朱雲襜褕  
於寶鼎近而察之若綠羽磷熒於萬重金鎖珊瑚枝直奪雨工  
之巧碧文圓頂似勞織女之縫翠生波而欲滴玉結乳以爲  
容副墨抱珠於縹錦白象削字於芙蓉其聲則鞞鞞爲音呼  
訇作韻霜降鐘鳴雷出地奮漢宮擊瓦而屋塵皆飛秦鐸塵  
山而草木悉震發清機於地籟依稀仙閣高鳴振元氣於  
魚恍若鈞天可近未取木於臨平已聞聲於鄴縣於是盛以  
檉架置之軍府共鸞書翠軸以齊留儷龍篆蜺旌以爲輔樓  
車鼓鐸驚雙路之蛇門碧玉浮金考籥章於毛土彼夫穆蒲  
遺車於黎野祖龍失玉於青城寶璽不傳於吳井玉杯僞設

於漢廷豈若茲之潯江安獲粵閩鑄銘既不窳而不櫛亦全  
貌而全形太學鼓中昌黎未咏龍荒石外山海無經固與玉  
牒金泥共闕珍奇於天府直勒商盤周鼎永爲明德之馨香





桂平縣志卷五十五

紀文

詩錄一

氣候山川關隘之詩

潯州行部詩

曹亨

冬來行部駕輶車一日之間氣候殊朝服駝裘暮揮扇未應  
嵐瘴得全無

立春日至潯州見桃花

潘立恩

去春燕地猶冰雪今日潯江已見桃物候獨嗟中土異天涯  
那惜此身勞風吹紅雨沾行蓋路入芳叢映客袍更喜羣生  
逢道泰不妨人事日蕭騷

桂平縣署正月蓮花詩

清詩 正月而有蓮花 因於氣候故錄入本卷

楊大瀆

鬱鬱思陵山黔鬱盤其坡瓣瓣青芙蓉屏障開嵯峩要郡依山麓城堞聯中阿布山漢舊縣首善無風波拙性少所宜嬾慢恒嘲呵駕言宦百粵政牘勤摩挲炎方三冬花往往繁枝柯及茲斗柄東時節三陽和銀花與火樹關靡誇其多數弓正月望池面吹紋羅何圖亭亭蕊三五遮青荷荷花對初日疑醉朱顏酡豈煩事雕飾招我搖輕舸我特不染心未敢趨炎過陽回萬物新生意當如何母乃天有示道長除偏頗殷勤報君子徒倚亭西沱惠而能好我投贈陳高歌

潯陽雜詠

六首之四

宋秉聰

團扇輕搖白袷衣竹牕鎮日適相宜無端一夜瀟瀟雨溽暑  
還如朔雪時

烟雨濛濛障碧虛米家圖畫恐難知須臾雨散山谷霽一幅  
溪雲自卷舒

一春能得幾時晴屐齒苔痕滿戶庭正喜山邊浮日影忽聞  
牕外走雷霆

草本薰蒸瘴氣多黃梅過去又新禾行人莫道清秋爽一路  
黃茅奈爾何

西山詩

張佳胤

雨後春明野望開族旗同上最高臺千山指點華夷界二水

遙從左右來戰伐當年俱寇壘太平今日共尊罍  
流連豈是耽幽壑懷古應憐制粵才

前題

范 郴

琳宇韶嶢郡郭西何緣飛蓋躡丹梯風傳天籟松濤遠烟鎖  
江城樹色齊一雨乍看勤耒耜四郊猶喜靜鯨鯢勝遊取次  
同顏謝好把山靈細品題

前題

王宏授

憑闌喜共老僧間指點峰峰列翠環幾處晚雲歸亂鳥一鞭  
驕馬夕陽山

與達端甫總戎楊碧山觀察遊思陵

清詩

篤

魏

鬱鬱西山何雄壯橫嶺側峰盡東向山靈依依欲親人笑我  
陸栗無善狀潯陽半載守土官獲兩益友皆直諒脫巾疑來  
阮步兵嫉俗未免心怏怏唱籌檀相再世逢朗我玉山情頗  
暢自忖東魯一陋儒迂拘獨味山水况三人位置本難同局  
外品題皆皮相信有神靈導我前要期職守無坐曠携妓登  
山誤蒼生羞談名流病狂蕩我輩乘暇著芒屨不約而同形  
骸忘會有人緣合天緣實主無分瑜與亮一路山樵不識官  
沙岡代掃忠臣壙前守嶺太僕殉難後沙岡野老至今猶吞聲  
於西關外里許下沙岡

益令過客重惆悵松蔭數里庇行人雜以花鳥添儀仗芝蓋  
齊雲飛岩腰千古神峙屹無恙整襟來謁明遠公靈護一郡

生氣旺當年不掛西臺冠獲與廓李相頡頏制猛伏虎歸巷  
議大有主張清烟瘴左通一境若旋螺十步一坐五步望下  
寺上寺疑飛來特爲山勢作跌宕小憇靖虛忙院僧緣愷未  
泛茶烟漾禁體不道禪家言壁題洗石眞豪放

同治初張公榮組費西山

增修各廟多有題詠

### 秋九月遊思陵山

用謝康樂登石門最高頂額清峙

胡南藩

南方氣候煥炎赫懷幽棲秋颺送餘熱波立掀長溪攬轡城  
西門徑躡西山基瓣瓣青芙蓉掃盡浮雲迷昔賢高吏隱洞  
口留微蹊形藏事怪誕廟古神鴉啼聖朝重生聚老幼相提  
攜美種見嘉穀豈等稂與莠我四潤經術一一親安排登高

望烟火富教良階梯

用元兪括遊南山韻

清詩

胡幾

雙澗束峰尖天風吹自南趨庭來嶺嶠望眼入烟龕苔竇拋  
珠顆雲旗護玉簪海天州九九蔬圃徑三三吏隱形疑幻仙  
翁跡可探無心尋古蹟隨手摘餘甘坐就岩前觀行宜郡主  
菴洞開留石乳花發見優曇江水浮深綠天光染蔚藍晨昏  
違子舍楚客自多慚

雨足田疇早禾已穫登西山遠眺

阿琳

西郊山寺倚雲斜暇日登臨望眼賒萬壑樹深環一廓兩江  
水碧帶千家雨濡青畝村村足稻穫紅蓮處處嘉夙駕未須

追往事已將豐稔卜年華

思陵懷古

張江

勝概溇陽獨此山憑高極目緩躋攀  
烟村萬里青天外城郭千家碧水間  
古徑風來秋已老仙岩雲去月初還  
空餘眼底清泉在洗石年年點翠顏

遊西山

袁珏

山路紆斜遠數重入門搓眼記遊踪  
泉含樓影分高下雨濕岩花認淡濃  
半嶺鶴飛前代樹一聲風送夕陽鐘  
林深僧去人無跡石壁題詩倚古松

掃葉烹茶品乳泉箇中風味少塵緣  
雲根雨過冷泠響石罅



藤生曲曲穿春草江環雙水鏡綠楊城鎖萬家烟停杯細把  
流光憶屈指初遊十五年

思陵山

陳桂洲

思陵峰聳瞰潯陽青把雙江接混茫吏隱洞空人已去乳泉  
流出水猶香崖懸烟裏花爲徑亭倚雲中石作房遊展邀朋  
鷗從屏山靈應不笑塵忙

西山

李彥章

西岩六月買松風避暑寒亭四覽通難得蘇程千里會恰如  
稽阮七賢同細評泉味茶初熟雜聽鄉談酒不空添補曹胡  
遊記後幾人親串聚山中

離筵風笛肯相留妙有名山袖裏收平地清涼能極樂仙人  
吏洞况同遊環城如畫雙流合小雨成陰萬木秋還與題襟  
期後約胸中二十四江樓

按此擬作二水匯二十四江樓以雙其合勝

### 思陵山四首

余思詔

十里春山五里橋松風一閣話清寮舉頭天宇臨空淨極目  
關河入望遙大嶂遠分雙塔兩孤城獨鎖兩江潮誰將形勝  
兼名勝寫入風詩付短謠

桂海名山幾處經勝遊今又說思陵乳泉活水呪龍鉢落葉  
秋風望雁亭人面果甘椰酒綠佛頭峯小石樓青欲尋窈窕  
神仙宅岩戶況况畫自扁

江山蒼茫入高歌懷古登臨意若何  
滕峽瘴開遺故壘鼓灘沙落有沉戈  
鬱江東下聲猶壯銅柱南標跡未磨  
留與能詩

黃魯直徧題佳句滿岩阿

黃雲涓前有雙題詩極佳

頻年塵鞅誤微官入世方知吏隱難  
舊雨幸逢今日至好山權當故園看  
無心雲作乘時雨不繫舟行上瀨灘  
郡主祠前奠杯酒濟人何處有神丹

九月登思陵山夜宿龍華寺

黃體正

回首山光四十年一筇雙屐景依然  
松身落落健如我眼界空空觀向天  
舊好凋零城郭在老夫倔强姓名傳  
何須更化遼東鶴已是人間散誕仙

莽莽重山古戰場狼奔豕突擾岩疆妖藤蟻渡一江水飛礮

巢傾入寨岡

用韓文公平  
蘇峽孫事

世代遷移歸感慨東南風景接蒼

茫時平此地容高嘯萬壑秋聲送夕陽

訪得岩棲御史來猿踪鶴跡遍蒼苔浮雲弄影紛紛過野菊

含花寂寂開安遠聲名消柳溥

明安遠侯  
蘇峽孫建

柳溥劉麓

遺祠烟月

弔劉臺

山西肥唐御史劉臺  
明御史劉臺

都應探入名山記誰是高登

作賦才

蒲團清夜坐深更虛殿光然古佛燈救苦昔傳丹桂籍度人

今少白頭僧三千界上空如此八百聲中醒未曾明日長歌

下山去碧雲紅樹一層層

由邕凱旋登山遣興

張凱崧

戈船東下筭輿西留取飛鴻踏雪泥  
千里逢迎都有數小詩  
揮洒本無題樓臺日暖輝旌旆郡邑風清靜  
鼓鞞聞道捷書朝暮至壺觴裙屐共招携

雙江縈拂水如環近郭端宜著此山泉石通靈諸佛笑弓刀  
罷戰五兵閒偶停籌筆舒吟興靜聽歌鏡破醉顏危坐妙虛  
樓上望萬家憂樂繫胸間

西山詠

歐陽達

雨不沾衣暑不侵凌風直上碧山岑  
尋幽半是騎驢客縱日還同望雁心  
一片飛雲過嶺嶠數聲清磬出松陰  
能詩賴有

青蓮輩尽向層巒僻處吟

同前題

鄭暹

峻嶒山勢拱潯疆  
圖畫天然列上方  
望裏雲霞村樹合  
靜中魚磬梵音長  
雙江白浪迷春色  
一逕蒼松帶夕陽  
聞說當年仙吏隱  
至今青史姓名芳

暮春遊思陵卽景

林鳳鳴

葱蘢山色接城西  
茗椀詩瓢許暫携  
苔徑雨沾遊屐翠  
雲蘿陰合乳鶯啼  
數聲梵唄穿林杪  
滿眼風光入杖藜  
最好紅塵都截斷  
寺前一水鎖青溪

寒山露浥透禪肩  
爽氣新澆翡翠屏  
樹色遙連松頂綠  
嵐光

桂平縣志卷五

低襯屐痕青  
嘒煙野鳥眠  
初起出岫癡雲睡  
未醒二十年來

情似昨梵鐘敲處落殘星

又同弟湘浦晚  
登思陵山詩

### 秋日思陵山卽事

譚熙齡

思陵晴翠繞江城  
曉策藜筇爽氣迎  
汲井泉清能見性  
棲林鳥異不知名  
花拈一笑塵心醒  
葉落三秋石骨撐  
莫向西風更惆悵  
樵歌雲裏聽忘情

### 秋日遊西山寺

俞然

秋老山逾秀  
深林葉未乾  
水光青到眼  
雲影白依巒  
鳥語風中脆  
詩腸酒後寬  
層城還極目  
黔鬱滙江湍

### 和史沁崖秋日遊西山寺

清詩

俞垕

連鑣尋勝果策馬興堪乘竹日清無暑山雲深幾層年光留  
淨土世界屬閒僧色相空何著秋光綴石藤

西山詠

劉光美

古寺懸丹嶂層雲繞梵宮澗飛千尺練崖列萬株松猿嘯峰  
頭月樵歌午後風更堪憑吊處吏隱覓仙踪

同前題

黃體誠

五里城西寺浮嵐積翠間路盤幽壑樹亭倚夕陽山吏隱空  
遺跡姚翁去不還有誰能說法門外石頭頑

同前題

林若浦

崇山宵無際登頓息層陰松影連天翠雲光壓寺深暝鐘沉



絕壑清梵下遙岑坐久忽忘夕歸途月滿林

西山曉

賴德榮

曉光開萬里山色有無邊月落鷄聲碎村迷樹影連微風三  
徑竹流水一溪煙何處樵蘇子林西枕石眠

白石山詩

葉賀源

雲梯連石磴香樹鎖松關林壑疑無路神仙別有山

遊白石詩

張志道

山似遊龍勢欲奔山中有路透天闈峯巒長帶烟霞色洞穴  
渾無斧鑿痕

同前題

楊子春

曉剡沆瀣夕殫霞更挽天漿  
嘯月華日午道人猶未起香風  
吹老古松花

同前題

林捷

自得登高趣難爲世上傳  
望遙山作浪行久補生煙  
竹引青龍過花邀白鶴眠  
何勞丹竈熱軒豁即真仙

同前題

江南傑

孤峯出鳥外縹緲畫中傳  
地廻遙分粵溪流半入川  
雲凝連積翠樹老帶疏煙  
一徑看山色西來別有天

同前題

龍國祿

矗立雙峰勢欲騰斗杓  
南指白雲層幽岩宵靄穿  
勾漏磴道

嵯峩掛碧藤琪樹銜花巢野鶴丹砂煉影駐山僧放參趺坐  
長松下柯爛渾忘代幾興

同前題

楊大節

乘興磨崖十八年漫將名姓立岩前山靈自有生花筆倩我  
狂書塞洞天

同前題

張岳

夢裏似曾踏翠寒萬山洞壑石林攢寧知夏冷冬溫地祇在  
藤梢棘刺間陰火瓊膏烹日月長空簫管待虬鸞道人不是  
避秦客慢憶桃花回首看

同前題

傅輝文

石峰晴起擁雙鬢雲際參差不可攀地闢靈源稱洞府天留  
圖畫出名山仙翁一去無消息野鶴孤飛自往還惟有丹砂  
岩下水時時流出向人間

同前題

鄭 遜

曲折盤紆鐘地脉千尋崩剝關雲門瓊芝繞澗棲元鶴怪石  
參天嘯白猿丹灶塵封勾漏去危樓鐘動玉泉噴何時携酒  
幽岩畔得與高僧細品論

同前題

俞 坐

孤巒翠嶽聳晴空靈竇斜穿奪化工古碣短苔餘淺碧斷碑  
殘蘚蝕微紅燒丹灶冷三秋月漱玉泉寒五夜風最愛會仙

岩畔石探奇曾訪葛仙翁

同前題

胡南藩

雙峯轟轟接容山中有仙人日往還寺影半沉紅葉外鐘聲  
多在白雲間層崖月浸龍湫冷古洞風廻鶴羽間願借神泉  
千萬疊化爲甘露酒塵寰

又白石山雲

前名

朝雲白石留暮雲白石住葛李携雲還山根互吞吐

白石山聽泉

清詩

曹兆麒

仙岩幾度叶笙簧幽響淨琮到上方風度層巒吹古調月窺  
岩穴鎖新涼洽洽曲奏疑歌羽滴滴聲傳欲引商應是山靈

唱和好餘音清徹步虛堂

重遊白石山

譚鳳書

久別瑤簪不計年層雲轟轟起晴烟捫蘿直上三千界蠟屐  
重登廿四天舒卷畫圖歸眼底色空蒼落樽前名山剩有知  
交在嘯傲林邱侶散神仙

白石山

黃體正

行遍山村十里遙扶筇得得到山腰回頭畧把峰巒數都作  
郡侯各等朝  
踏上青霄第一峯山花空際放芙蓉升天不信無階級透出

風雲數十重

登臨未歷泰山高到此襟懷已足豪  
葛令不來丹灶冷茫茫  
今古歎塵勞

名山何事落偏隅搔首峰頭問碧虛  
我欲乘風跨黃鶴日邊  
高捧玉清書

同前題

鄒相

洞天傳白石遙睇一開顏  
元鶴飛何處高樓山外山

同前題

無名氏

祥雲矗矗玉峯高  
瑤草香煙醉碧桃  
聲斷鐵簫歸鶴馭  
長風空壑鎖松濤

羅業山

陳中

嶺嶺山光映團團樹影重斷猿啼午夜孤鶴唳秋風

同前題

王清

鑿破金鰲背虛明一竅通洞天塵世外樓閣畫圖中水冷猿啼夜山空鶴唳風間來足觸詠不必嘆窮途

同前題

馬文祥

暇日尋幽景岩深別有天龍湫清徹底月窟暗中穿白蝠棲崖邃青羊倒樹懸二程經歷後勝概至今傳千里欲窮目捫蘿躡峻巔陰岩常積雪虛壑自通天丹灶間瑤草蒼崖溜玉泉醉題磨薛壁詩思入幽玄

同前題

楊濂



岩壑陰陰鎖薜蘿  
洞門偏有月明多  
光生寶殿搖金碧  
影落寒潭印碧波  
孤鶴夢迴棲不定  
羣鴉驚起去還過  
行當携手山亭上  
坐對嬋娟問若何

同前題

鄭 暹

捫蘿欲訪前賢跡  
間理三生石上苔  
紗縵香煙涇衣履  
層層薜荔寫樓臺  
天開小徑仙難覓  
月照靈岩客未來  
誰肯夜深臨絕壁  
細探幽趣入山隈

同前題

胡南藩

丹崖隱隱洞門開  
一片清光入洞來  
古竇凌空搖玉宇  
澄波萬道浴瓊臺  
眼前色相終非也  
此外形骸亦幻哉  
擬駕星槎

詢月姊僊岩圓缺幾回來

羅叢卽事

李彬

陽溽盡地一山青上有丹岩虛且靈羅列奇峰名百粵叢枝  
自老還自英紗籠拂袖會行樂入社携樽幾醉醒未能免俗  
歌九日尙祈讀書希二程可惜劫灰翻地連夜燃燐火曉猿  
驚惟有岩泉不變守山高水長時清寧而今風月新爲主石  
羊先夜報山靈山靈作色從炳蔚僻塢芝蘭也作馨

羅叢岩

詩

黃晨

窮隆之石高何補名賢一駐名千古借問何景駐賢踪中有  
淵泉留月普初入洞中洞深黑石漏天光含月魄滅炬凝眸

月漸明澄澄一水全生白歸得月兮淨如練月因水含光激  
澗琤琮逸響又何音滴洒源泉水珠濺靜裏見聞無障礙暗  
地光明不蒙晦何必千潭印遍來濂洛心源此中在

同前題

譚熙齡

扶輿磅礴鬱奇石光怪陸離幻青碧樵夫牧豎那得知天遣  
名賢留勝跡

二程夫子昔南遊愛煞羅叢景最幽兄弟棠棣詩一卷墮鹿  
雅曲相唱酬

朝夕編摩共風雨主敬存誠各千古安排經笥筆牀在石室  
天然結構母

同前題

彭倚華

二程留舊址猶道讀書巖此日羅叢月還疑照石函

同前題

譚本立

峭壁層巒籠瑞烟滿巖皎潔印冰蟾遊人俯仰頻相望疑是巖中別有天

紫荆山秋興

胡仲康

錦囊秋興入清宵印亦何心念市朝江月乍移煙瑣瑣山風長送木蕭蕭干戈氣壯龍蛇混禾稼功成鹿豕驕滿目悲涼雲外改幽人秋思復迢遙

龍岩山詩

曾國光

秋霜纔數日策杖上仙宮石古生飛虎岩虛隱老龍瘦花依  
徑老醉葉掃階紅笑引同遊者雲深沒展蹤

同前題

吳志綰

一品通黜室空濶古仙宮樹老棲威鳳潭清制毒龍亭亭懸  
筍碧隱隱漏陽紅歸去芒屨濕漫留酒墨踪

獨秀山

蒙甲椿

奇峰突兀絕塵緣落落孤芳石亦然峭壁凌空冲北斗晴嵐  
矗立耀南天高瞻萬仞摩秋月俯壓羣巒鎖暮煙鶴嘯都應  
霄漢近夢遊狂羨五雲邊

同前題

譚熙齡

三三三系系六六六  
紀文 詩錄一  
五  
粵東編譯公司承印

桂林有獨秀碧樂孤峰懸潯州有獨秀巨擘擎雲煙造物生  
兩雄不使並爭妍一入闌闔裏一走荒徼邊任爾獨擅奇光  
怪燭南天培塿衆山小安敢仰齊肩我喜振衣上逍遙翠微  
巔月明吹玉笛相挹閩苑仙

斷藤峽

柯 疆

萬里長江浪噴雪高崗急峽江聲咽嶙峋亂石梗中流老幹  
長藤稱險絕鳥道羊腸通虎窟千峰萬峰如戟列當年小醜  
勢何雄豕突狼奔一朝滅我來憑眺懷昔賢水碧山蒼風露  
潔月滿寒村鷄犬靜雲鋪綠野桑麻徹文成襄毅偉男兒萬  
古功勳常烈烈

斷藤峽即事

劉修禹

露布當年走碧聰將軍威鎮百蠻中  
幾番帷幄籌全策萬里檣帆信永通  
山縣有花皆向日峒原無草不移風  
但教五嶺消邊瘴嫌與雲臺較畫工

斷藤峽

張文嵐

昨上碧灘頭十里經茲峽懷古斷藤人  
蒙鼓銷金甲

吏隱洞

張榮組

好讀南華第一篇功成面壁石能穿  
焚餘諫草曾廻日養到靈根不計年  
豎起眉峰存正史放平心地卽神仙  
我來滿地披荆棘爲訪源頭汲乳泉

煉丹灶

譚熙齡

偶讀叅同契高舉思度世結廬在靈元水火坎離濟金丹煉  
一身內視著真偈胡爲葛仙翁人間學校猶丹灶冷劫灰摩  
挲落薛荔靄靄出雲烟奇香沾縞袂歎息丹砂盡何處得妙  
劑學仙苦難成敢說伯陽繼不如飲美酒一醉敵千歲

同前題

蒙甲椿

烟火人間一劍收丹鎗恰合置山邱金沙果歷千年劫玉液  
將從九轉流朱鶴固應階下避白雲無恙洞前留葛仙漫作  
空庖笑薄宦原爲冷灶求

洪武  
合爲  
深

仙人棋

前名



爛柯亭上訪仙回

會稽名仙

同玩殘棋洞不開多少雲車隨石化

一般香象渡河來壺天韻事尋芳草勝地間枰認綠苔終古

輸贏誰了了爭先一著局中猜

爛柯亭見宋吳曾能齋漫錄

### 面壁僧

前名

少林遺跡自班班面壁維摩萬慮刪為愛烟霞游世外豈貪  
風月向人間忙宜住脚休塵醉喚不回頭怪石頑試問幾生  
修到此袈裟涼露滿青山

### 泊舟左江有懷

張岳

雉堞岌岌俯碧潯天涯此路接鷄林地非中土衣冠並氣壓  
南方歲月深尊俎空憐麾羽扇溪山何處聽樵音儻借揮翮

飛蓬島願學燒丹變紫金

黔江

晚風吹渡祖生舟意氣終當肅九秋黃帽刺船驚水俯錦袍  
腰箭落旄頭斷藤峽破詩留石細柳軍回劍倚樓西望不堪  
成激烈兩江橫截似襟喉

大黃江口

錢薇

溜江溜急於箭風高浪泊天簾開山入座雲暝雨隨舫椎髻  
蠻堪駭侏僂語孰傳回看津渡吏候瞬息過前川

乳泉

陸燦

間情挂笏縱幽探步向西山寺以南山窳天開丁讓五泉根

地伏寶贏三清粘滴雨聲微咽靜歛青峰影倒涵我本澹然  
心似水一杯試飲不爲貪

舊讀茶經仔細參泉香似乳品須諳源疑玉女峰頭落味得  
金莖露意酣釀酒應知杯益壽灌園還卜草宜男流膏一脉  
無窮養分徧江城赤子甘

南津

林鳳鳴

更寂倚南樓樓簾愜幽廻夜涼水氣清櫓響空江靜月色半  
啣山何人掉孤艇

同前題

龍國祿

剝木爲舟鬱水濱武陵清唱四時春朝朝負米聽鷄客處處

停鞭飲馬人烟雨不辭歸路滑晚風吹徹趁墟塵濯纓向晚  
孤舟酒明月誰知再問津

同前題

傅輝文

西竺寺前斜日落南津郭外暮潮生城頭戍鼓支殘漏渡口  
孤舟棹月明帆影晚隨烟樹碧江波寒到驛流清秋風一夜  
蘆花發多少離人動客情

同前題

唐聲振

郡城南下大江濱沆瀣清流景色新雙槳亂翻歸洞客一舟  
輕放問津人微波色淡浮孤鶩晴漲寒多躍錦鱗欸乃數聲  
殘照裏權歌低倡玉樓春

同前題

陳元士

南樓近瞰鬱江城夜半江頭古渡橫  
槎客疑從雲漢落鮫師  
間試粵波平稀星明月雙橈緩  
細雨淒風一楫輕借問漁人  
何處去問津留得權歌聲

銅鼓灘

錢薇

路出清潯銅鼓灘天風吹棹度狂瀾  
高江神禹應難鑿古郡  
秦皇未許官椎髻語言殊不白  
花枝濃淡自含丹欲知同軌  
稱王會隨處夷歌漢罔寬

同前題

龍國祿

噴峽轟雷破浪開觀濤疑自廣陵來  
微茫乍拂嵇生韻颯沓

翻驚宋玉才織女秋砧嗟遠道征人夜泊黯幽懷滄桑起伏  
原非偶神物誰將見碧苔

同前題

吳志綰

潯陽煙雨春江發冲湧灘頭勢勃率舟人云此名銅鼓擊棹  
掀挖問毫髮昔候伏波征交阯鑄兩鼓兮警西粵博局其面  
坐墩形束腰虛腹蟾組凸軍門一震蠻夷服物換星移已滅  
沒詎擬神靈早呵護蠟殼綠沈苔蘚滑忽然風浪漲江中電  
閃雷轟雙飛越獻之廟堂彰瑞應到今波若征人伐我聞此  
語動咨嗟聲教遠播日月帽猺獐喁化狼煙靜抱鼓不鳴無  
猖獗久安保泰警無虞荒檄寶琛貢魏闕

銅鼓灘歌

白城北 銅鼓灘水勢洶洶 船倍利於古 雍益壽 廣牛若

先知報警者然六月三朔水大漲灘鳴徹耳予甚異之  
因與總戎端甫君達遺舟師防守自是估客無戒

志心之賦此

伏虎將軍冒雨來

端甫為海協有虎

權留小憩且啣杯悲憫

不慣談風月痛道時勢亦壯哉推窗欲挹西山爽入耳突鳴

萬壑雷剛聞邊庭馬嘶驕雜以亂箭射江湖不是當年屯戰

壘胡為如斯紛喧囂招問老吏偏能解灘聲隱與鼓聲調拍

岸驚濤江東流沙高水急盪行舟椒房近戚來何暮

伏波將軍神

物母乃待其儔預料銅柱分茅立銅鼓一躍名千秋曾傳九

鼎淪泗上此地法物殊情狀邑博指畫晰毫釐

注云

星使樂

公示不安

樂明

嚙浪衝破千百年絕少缺窳渾無恙不有神

靈常呵護徑圓孰知叶律度紋縷蟾蜍繡難成疑為化工神

鼓鑄層擊止止面鑿鑿三搗七敲尋旨趨論經千百罕定評

博古如聆雅頌聲一置觀風配韶鐸

觀風

一呈太學光殿楹

銅鼓不入靈臺奏石鼓但繼鼉鳴此物瑞應出秦漢升沉大

半附江岸掘得白石浪沙埋撈自灘底漁網斷古器縱橫今

渺茫空餘灘聲響暮日誰知光怪靈更靈兩番明滅走電霆

精氣不死音宛在譬猶明德歷世馨君不見拋家商賈駕殘

鱗舟覆囊沉御冤苦將毋此鼓肆躍鳴抑或體缺難為主公

曰否否有灘神故逞怒浪乞明禳禍福本來由自招古器何



與券富貴況際往過客失利滂滂常經報險頻安排水師防  
灘頭怒濤聲裏鬼啾啾正如情急呼將伯鼓聲亦似代爲籌  
果然設防歷旬日有驚無失拜神庥惟公聞之撫掌笑蘇韓  
兩歌能仿照淵淵別饒將帥思諸葛來粵無明詔  
粵西亦傳有  
諸葛銅鼓  
不若編入詩囊中醉望江樓招同調

銅鼓灘

傅輝文

黔鬱東歸日夜流水奔沙退石如鈎當年漢將遣征鼓此日  
孤城傍斗牛雷浪拍翻遙岸兩海風吹起一天秋月明灘下  
濤聲急猶有漁舟唱莫愁

同前題

李如旻

吾聞伏波舟載駱越兩銅鼓飛鳴躍入八桂之江湍人遂以  
銅鼓名其灘風雨時時聞鼓鞀之聲江中謹明季漁人網絳  
不能舉呼集衆力出狂瀾

同前題

胡南藩

昔年銅鼓曾飛去此日濤聲雜鼓聲新息從來餘戰具馮夷  
莫浪逐浮名雷霆怒激鼉龍吼風雨狂呼估客驚我欲鏟平  
溪路險石岩犖确一舟橫

同前題

唐廷獻

漢將勳名徧遠郊獨拋征鼓壓驚潮灘含晚色鳴沙尾水在  
秋聲漱石腰雪浪翻風沉雁字銀波流月展龍綃若教飄入

歐陽耳應錯呼童視斗杓

同前題

清詩

周紹祖

嵯峩怪石鎖江隈  
漢將南征此地回  
鞞鼓千年餘勝迹  
武夷一曲想風裁  
天清塔影凌空壯  
日落濤聲動地來  
猶有伏波祠屋在  
寒鴉古木長莓苔

同前題

譚熙齡

潯江江水落桃花  
漲起灘聲如鼓搥  
驪龍波底睡不穩  
怒翻風雨肆爪牙  
幾家艇婦夜狂呼  
急撐小艇藏菰蒲  
到曉灘聲猶未止  
老漁相笑汝何愚  
相傳銅鼓駱越器  
新息征蠻俘獲  
武功誌舟過潯陽  
河伯驚突起江中  
奪其二昔有干將  
莫邪

躍入水不謂此鼓相失更靈異灘石粼粼灘水流蘆花瑟瑟  
雲悠悠神物秘藏天地意非時不出苦冥揆逮我聖朝文教  
敷四海梯航貢琛著遠猷灘邊舉網得其一獻之廟堂遂與  
石鼓不朽各千秋嗟嗟凡物升沉皆有數我銅感知遇上灘  
下灘帆來去一抹斜陽挂江樹

同前題

鍾奎光

銅鼓千年殺氣銷南征交趾記前朝波翻古渡沉戈甲夜靜  
孤城傍斗杓烽火已平藤峽瘴關山重鎖柳江湖月明灘畔  
天如水臥聽漁歌隔岸遙

同前題

鄭暹

遊水潺潺繞郡流，伏波征鼓昔曾留。  
濤鳴沙尾秋風壯，月滿灘頭宿雨收。  
八桂烟嵐孤客夢，兩江燈火一漁舟。  
年來薄宦堪乘興，懷古思鄉起暮愁。

同前題

劉修禹

畫角聲方息，銅鉦竟未休。  
濤寒喧夜雨，月冷咽清秋。  
鵝鶴排沙嘴，鯨鯢駭浪頭。  
至今江上客，風穩一帆舟。

同前題

胡南藩

銅鼓何年鑄，曾聞躍此灘。  
漁人招不得，神物出應難。

過南湖

李六龍

晚步層城外，霞光接水光。  
冷烟南浦起，惆悵一亭荒。

南湖櫂歌

張昌蕃

儂住南江郎北江遊湖艇子一雙雙  
金蓮並蒂開無數爲聽蠻歌樣樣腔

一灣一曲綠萍鋪蕩槳時時混釣徒  
湖上烟波儂不管長竿郎自拂珊瑚

西靖關佛子隘

吳志綰

溇郡多天險逼仄佛子江山窮水盡處  
一夫守難當金牌爲右臂峭立萬丈強  
木吼左亭亭呼吸達帝鄉磴道千層峻  
弧背曲相將烟坪號楓木中凹若弓張  
下臨清潭水羣雁都涿洋人面起羣山  
艮路經細長所幸聖化洽政教肅猛狼  
奇險

若平坦南關通津梁廟堂時努力民生樂徜徉

閱鎮峽堡次韓襄毅韻詩

陳宗夔

前七十年藤峽勦韓公之功真絕少後七十年弩灘平蔡公  
之功亦非小灘連峽險反側多倏忽黎民倏夷獠攻城劫寨  
寡寧日老稚晨昏不相保憶從憲廟初登年蠻獠稱兵正雲  
擾韓公被命震天下力抵浮言決征討文臣武將一時聚整  
整堂堂復強矯層嶙已見應機開雙髻從來乘虛擣須臾列  
盜盡俘滅萬姓稽呼角崩倒雷轟決裂破昏晦雨溢淋漓沃  
焦槁平開戍壘江流通兔窟鯨波靜如埽丁男始出抱犂鋤  
婦子纔嬉懷乳襍自復韓公奏凱還營壘又見生秋草碧灘

灘寇復猖獗據險負固稱天造籌邊念切司馬憂分兵亟上  
潯陽道一朝夷寇復殲決撫散餘徒橐弓早戍樓重立鎮江  
郭郭外新民漸馴擾若教防禦盡如今百粵封疆百年好吁  
嗟乎韓公往矣蔡公歸西土歌思思未了巡行愧乏靖邊猷  
伸紙裁詩慙二老



桂平縣志卷五十六

紀文

詩錄二 城池各詩

潯江紀游詩

曹唐

盡興南遊卒未廻  
水工舟子不須催  
正思碧樹關心句  
難放紅螺蘸酒杯  
漲海潮生陰火滅  
蒼梧風煖瘴雲開  
蘆花寂寞月如練  
何處笛聲江上來

送趙叔愚赴潯州理掾詩

劉克壯

未奉三雍對聊爲五筦行  
鄉書踰嶺少詩思入湘清  
遠宦身差穩中州事日生  
向來幾離別此別最關情

潯江詩

劉長吾

秋風黃葉樹  
夜月白蘋花  
古渡經行少  
平郊入望賒

避地潯州詩

曾幾

鷄犬圖書同一舸  
老夫盪漿兒扶舵  
潯江一繫欲生根  
夢下湖南向江左

潯江懷古

廖德明

荒烟漠漠雙江上  
往事悠悠古戍孤  
春到偏臨青草渡  
夢中猶寄白鷗湖

潯江舟中詩

何御

野橋津吏待稍泊  
散羈愁江月先臨  
館山雲早上樓人  
喧城

下渡鼓發驛前舟  
暝色蒼蒼遠風帆  
何處收

移駐潯州詩

汪必東

三峽聞藤斷雙流見桂平  
牂牁通象遠句漏出龍清  
何事虛開府頻年少住  
岷蕭條駐藩節回首愧干城

潯州書事詩

錢薇

斷藤峽下大江流  
仗劍乘春萬里遊  
百粵伏波標柱壯  
兩階虞日舞干優  
東津對月心同照  
南徼觀風病未瘳  
願得交人歸職貢  
永紓南顧聖人憂

潯江晚眺詩

章啟

山繞孤城水繞川  
東吳風景尚依然  
霜前黃葉餘殘照  
角外

更樓起暮烟，削鼓暫忘南。  
徼路綺羅還，憶鑑湖船。  
衡陽過後，無來雁日斷音書。  
若箇邊。

潯州道中詩

任亨泰

江水灣廻野色肥，南來風味倍淒其。  
官船盡日行鰲背，客夢無時繞鳳池。  
蘆荻飛花秋老大，桄榔翠滿雨淋漓。  
使旌此去安南日，天語重萱靖遠夷。

潯州驛詩

王 偁

客裏潯陽暫泊舟，鐸樓官樹晚烟稠。  
多情誤作琵琶夢，驚覺蠻天瘴雨收。

蒼梧寄陳庸時館潯州詩

陳獻章

山形西向水東流獨泛長江十日舟無翼可隨飛鳥去相思  
時復到潯州

潯州詩

向錦

西山日落蠻烟起南浦波生越客歸百雉荒城倚孤棹一鉤  
涼月對秋衣

潯州司中詩

王佑

青山積翠壓城頭四月高堂氣似秋藤峽西連猿峒險柳江  
下合鬱林流茅茨繞郭炊烟起榕樹盈庭宿雨收昨日歷階  
雙拜跪安南貢使入中州

送元州沈先生出守潯州詩

瞿景淳

天教聲教徧南州冠冕乘秋作勝遊  
路入九嶷悲帝子風沿百粵想康侯  
雲封白石堪留碣沙暖烏江可放舟  
官閣坐來公事簡願傳新句慰窮愁

胡中丞冕庵開府潯州詩

胡仲康

操觚能振藻秉鉞解談兵威望追韓范  
寬嚴鑄李程春花迎鐵騎社燕掠霓旌  
內外勞安攘金甌好覆名

潯州詠九月九日雜詩

林有席

出門感異鄉桑梓依同袍况茲西甌國  
先達煩招邀官閣坐清暇應候商聲調  
老圃看秋容晚節香風飄時陽蒸炎煥  
邊草榮無彫有鳥在丹穴一出摩青霄  
相彼能擇木弱羽息鷗

鵝

江聲鎮喧闐高浪擊銅鼓因思將帥臣炳蔚豹與虎開邊亦  
何雄千載標銅柱神物竟安之正界分今古駕言步前灘咸  
舊空延竚銅鼓爾茫然逝者閱寒暑滔滔入桂江猶記將軍  
處

潯州關北岸晚眺詩

胡景瑗

我別匡廬雲從官潯陽客潯山高矗天雙澗滙長澤遲遲步  
江北短棹浮烟碧橫飛渡江千望裏窮阡陌樵歸腰斧輕漁  
罷竹罾擲搔首楚鄉遙縮地紆籌策霸人抱遐思到眼增愁  
戚夕飈旅鬢吹日暮孤舟隔解顏看綺霞浪湧江天赤

閱溇州城歌並引故事

閱官吏視城新  
環蔽余踵例  
寄行之地必  
邊陲郡

遠荷是以稱天  
愛作歌言志  
家用資自勵  
云陽古劇郡  
城

鑽如虹渴飲  
奔倚天陵  
君不見  
黔江之水  
旋流直下  
走

龍千塵戰  
龍萬流  
宮鏡天  
鼓灘頭喧  
霹靂南  
谷津  
江心石

卓險金湯  
飛廢與苞  
桑思固  
憑專城

胡南藩

清時浩蕩民元盈  
迎機驅善爭從輕  
谷公陸公風已渺  
前有開者余其型  
伊聞治具飭經術  
崇陳俎豆捐法律  
狻猊獠獠獠獠  
獠獠化爲鄒魯身  
先卒回頭却憶匡  
廬峰還遮嶺樹烟  
溇廿年學道向白  
鹿薄宦叨沐君恩  
重北望天邊拜稽  
首敢



酬素志披丹衷典部粵山對天塹登高一覽邊城雄

過潯道中詩

金 虞

百里潯江路輕帆盡日間浮沉天外水名二水句漏雨餘山都

蔗紛蓬艾甘蕉滿市闌劇憐雙燕子來往逐魚蠻

節錄潯州府二首之一

查 禮

青楓幾點帶晴霞二水爭流捲白沙遠郭徭人多種桂近山  
蠻女半栽茶斷藤峽口西風急銅鼓灘頭夕照斜視惟此邦  
初問俗漫嗟華髮客天涯

潯州舟中雜感二首

黃元驥

紅蓼當窗間白蘋晴川秋色望猶春泉爲石澗灘前急日照

青山雨後新雲樹難窮千里目江湖肯負百年身觀枰却有  
當先著袖手無言且讓人寒雲暮合日悠悠薄宦天涯獨倚  
樓鐵甲江城初罷戰玉珂嶺嶠又鳴騶西窗夢斷青燈雨南  
浦愁懸白雁秋歷落風塵偏易老等閒仍作看山游

溇江留別十首之六

覃遠璣

數歲馳驅共一城無端邕管促長征河山此後成疏迷風雨  
從今朔晦明十里長亭牽別緒兩江秋浪挾灘聲臨歧轉覺  
愁腸結舊治瘡痍未盡平

小醜年年費戰攻脂膏徧竭勉從戎賣刀早自慚龔守解組  
翻思借寇公懸棧有人嗤老馬代庖無計息哀鴻西望邕管

烽煙急一念縈回兩念中

功名於我本浮雲底事拚將筆硯焚廿載崇文偏讀武一官  
學吏又從軍愧無大力通民瘼剩有餘生閱敵氛到處驅車  
過九折何時攬轡返鄉粉

屏謝騶從免俗喧鄉村日接笑言溫流亡待集鴻飛渚醜類  
難容蝨處禪民習近官情不隔吏勤巡俗樂猶存試看使節  
迢迢過白叟黃童各置樽

祖餞迢途唱渭城濁醪處處帶愁傾山川識我頻來往草木  
親人解送迎曾是昔年征戰地轉牽今日別離情何堪四野  
銷兵劫目斷荒涼旅夢驚

勞勞宦味等蜉蝣蹤跡渾如不繫舟十畝敢同桑者泄一官  
常抱杞人憂蠻天到處爭狐鼠海國何心契鷺鷥他日溇陽  
重覲面凱歌聲內樂夷猶

武靖州舊城詩

甘振

江上浮雲宿雨晴中原誰復誓澄清虎符此日千金重雉堞  
何時百堵成要使皇人知漢德終令南土識天聲從今記得  
經行處野水孤帆夕照明

過武靖廢州詩

李六龍

帆掛猿蠻窟灘頭舊戰場

離州  
上  
游

開邊煩馬狄勝算決韓王

天塹知誰恃城垣已自荒承平經廢壘懷古弔滄桑

武靖廢廢州詩

鍾奎光

江城風景尙依然回首興亡歲日遷  
藤峽入征遺戰壘荆山千戶校屯田  
雨蒸殘碣銷蝌蚪日落荒亭怨杜鵑  
幾度林間尋往蹟空留鐵柱鎖寒烟



桂平縣志卷五十七

紀文

詩錄三

增補各詩

故八賢感懷詩

魏篤

大一統治車書同文德誕敷繼武功崇儒重道勵士習  
以師承提宗風天向離明開文運教衍暢岩及羅叢隨官之地  
倡絕學就傳庭訓懍大中討叛整師武臣力藤峽迭次勞元  
戎由宋迄明二百載猺獠窮凶真無窮古陶風門據絕險仙  
台花相費圍攻間世能出平猺手斷藤乃許易永通予守茲  
土謁四賢歷明中葉四賢傳太子中含遲守牧孰與手授太

極篇二程不隨龔州侍千古道統誰仔肩前有作者後有斷

新建邊猷絕後先謂王文成公謙韓勳碑功名併注云表揚

平遙建大勳參贊早登八公筵蔡公經以平遙建大功七策

善後公丁死弩灘不復聞腥膻翁東泉為蔡平洲參贊以計

七策由是為忠遙遙兩朝萃一室文經武緯光燭天東魯陋儒

懶得古譽猶虞人解宮懸謁罷悄然立庭畔祠委藜莽座塗

炭洪楊老妖禍士林文字焚弁已過半黔鬱江水血翻紅例

以侯藍更糜爛枯骨十年無人收揮淚徐君重悼歎咸豐五年

餘黨陷府城越十一年枯骨猶相枕同鄉徐曉山署桂尤

幸伏波再時來平天掃蕩如天冠赤地焦土祠歸然母乃英



靈常護看否則洛源一脉未就湮留待後學究一貫又不然  
諸公分寄士民心默祝餘氛淨霄漢

重建西西山龍華寺詩

潘兆萱

一官飄泊如飛篷廿年不到梵王宮老僧圓寂門徑改只有  
佛面還相同沙彌傳衣据講座三乘頗解談真空知予與師  
數往來送迎禮數加虔恭茶爐移向乳泉側汲水活火烹松  
風自采茶芽比雀舌一椀已足消煩衷孤亭俯瞰江波白危  
欄低亞山花紅步履山門倚頑石盤旋更撫千年松之而遍  
體具鱗甲天矯拏攫如虬龍仰見浮雲過其上却疑騰蹕凌  
蒼穹剗心怵目走相避登樓山雨飄簾櫺一時雲飛薄窗牖

下視城市烟迷濛八筵齊供甚清絕飲罷法鼓聲逢逢僧房  
借宿泯言說夢回朝日升岩東

西山龍華寺奉簡堂上人詩

潘 綱

爲覓招提境扶筇訪老僧風花看歷落樓閣步峻嶒說偈通  
三昧開樽論七能醉餘歸路好明月掛疏藤

西山龍華寺詩

廖在雲

勝境追尋第一巔人烟如畫繪欄前兩江繞郭涵波遠古塢  
凌空落日懸清磬數聲醒鶴夢間雲幾簇覆僧眠披襟颯颯  
松風爽興盡歸來月滿天

五月二日隨劉子鶴生昆季黃子趾仁蓋子賜生遊西

山龍華寺禪院詩

歐陽春

思陵一別五經秋又到名山汗漫遊選勝同登新梵宇

寺新落成

逢僧細訪舊朋儔禪參妙諦塵心洗雨帶浮涼暑氣收頃刻  
烟銷雲霽後江城如畫豁雙眸

吊潯州劉太守殉難詩

譚熙齡

後劉忠節繼前劉滿地妖氛苦我候七尺帛完男子事三秋

梧落成人愁秋時烟寒土鏗銷炊骨血熱江樓洒

斷頭慷慨君恩酌一死編附寇威草成邱

抱來孤憤恨難平百戰江城未洗兵浩劫豈真天定數致身  
應與古齊名蠻溪磨碣民爭拜馬尚吹笳賊尚驚妖焰昏昏

灘月暗波流銅鼓咽秋聲

又吊平南李明府殉難詩

前名

慷慨從軍建羽幢運籌心力竭南邦腔填熱血悲誰灑堞碎  
孤城勢不降青犢塵飛昏燕石碧燐月冷化烏江賸來馬革  
無屍裏愁聽東流水怒瀧

西竹寺吊沈學使詩

譚熙齡

鸞鳳上林鳥文彩雅修飭飲醴飽竹實不爭腐鼠食翩然來  
五嶺和聲鳴九德胡爲妖氛熾陰雲蒼梧黑燕雀羣飛去獨  
立憤填臆鴟鴞勢猖狂時窮在荆棘羞學鸚鵡慧懺禮悟空  
色長號動悲風慷慨抵疆場勁節凜雪霜一死以報國古寺

春雨夜聞鶻心惻惻

過西竹寺吊學使沈紫卿並慰城中殉難諸官紳詩

魏篤

慘澹陰風吹江水啾啾鬼哭痛澈耳披髮踉蹌使臣來關禁  
不許使臣死嗟嗟生本不希榮死亦任爾烹不生不死錮西  
竹僧舍入定當佳城伴狂百狀不遂意傾社妖狐挪揄試求  
死未得勉爲囚檻車往復溲梧地獨怪秘謀不審詳贖公願  
輸千金囊愛公反成害公計骨粉肉焦歷紅羊傳語火化公  
成佛西來大意本無物金欲鎔身志願償愈於頭斷膝不屈  
獨留浩氣塞天地綱維有缺能補填顏常山舌唯陽齒同一

節烈光史遷我來蕭寺吊貞魂  
髣髴蒲團帶餘溫名經變爲  
焚經地道場竟作戰場論  
嗚呼公守梧瀝肝胆公之死  
梧慘更慘身後灰燼亦不留  
天喪斯文增百感反袂痛哭  
不成歌孰築空墳擁嵯峨  
曉山先生不好事標題宗風  
滌妖魔昨晤院僧有餘哀  
酌酒疑登招魂台恍兮神來  
白日黯惚兮神去頽雲開  
更有心同迹不同卹典一一  
表孤忠殺身成仁儼授受  
俎豆一堂元熊熊嗚呼死者  
完太僕觀者勵後學吾道雖  
窮不終窮請君臨時證把掘

題西竹庵詩

林若通

招提城郭外竹柏自成陰  
鳥嘯臨溪樹雲棲隔水岑  
倚欄舒

望眼臥榻做題襟會有高人獨悠悠共此心

劉太僕祠

清詩

林有席

噫吁戲乎悲哉吳逆扇亂陰雲霧闕如暴虎兼狼豺漢黔粵  
嶠賊氣之所在布毒淫蒸鬱上際潯江涯西南一方失保障  
蠢茲小醜恣睢乖睢陽之齒常山舌褫奸膽落身如灰劉公  
堂堂起長白□都日月中天輝依光未照佐京尹一麾萬里  
天南來么麼公肆蒼梧野孫延齡龔藤蹂躪專城摧捍禦先煩  
周與武平南知縣周伯武大峽武令妖風頽大峽武令二峽名  
力窮勢蹙恥偽署頓遭薄蝕天為哀慷慨劉公忠且壯張目  
裂眦殲兇魁守將翻成賊內應將乘執公向賊公嘲哈烏羊

往往通人性迺甘泉獍成禍胎戴天自古有不共炎風烈日  
戕形骸形骸可戕族可滅天綱地軸余寧隕有臣死忠子死  
孝死夫死子相追培不然忠奸爭轉念千里謬自毫厘差吾  
鄉胡候潤經術坐使儒效餘恢恢忠也良也本同道闡幽脉  
脉存孤懷君不見葱葱鬱沙岡堆淋漓碧血光難埋公靈感  
召疑有助剪荆披棘除蒼苔原上猶留一片石摩挲拂拭森  
殘碑又不飛蔓高棟何崔嵬鬼雄毅魄來徘徊市地經營賴  
陳守前守陳公恢擴生面今重開我聞登堂欲下拜如此  
義舉候能爲齋戒趨祠一晉謁酌以椒漿沽清醅以子從父  
下從上公四子及周公俱陪祀武公滿堂俎豆眞同儕父老因之增感泣



淚珠大小拋前階進爵褒忠昭國典詔書遠下邊城隈咄嗟  
 孫蔣爾何物肝胆枉用污蒿萊知始進物有深意傾者卽覆  
 栽者培皇心天心洵一體公靈可慰歡泉台

五忠詠

邑城豐乙卯八月十七日李公慶龍余軍宜公元舒前  
 尉沈公廉後先殉難所死不同而捐軀盡忠則一  
 也因作五忠詠以哀之

詠劉太守

譚熙齡

溇陽疊寇氛蹂躪驚郊甸孤城累卵危何恃禦其變劉寵經  
 濟才先務有定見爲民而勞民登登版築勉百雉翼高雲雙  
 江波澄練矜峽警萑苻帆橫乘風便苦守無外援星光夜塵  
 戰糧盡死亡籍人肉恣飽噉慷慨許遠身悽愴壽雲箭憑吊

西郊原一壤荒草徧

詠舒明府

成仁與取義臨難不畏死千古綱常節扶持奇男子瓜代遇  
寇變他人驚遠徙我公獨慨然躍馬執弓矢城亡誓與亡視  
死如歸耳正氣亙雲霄頑懦聞風起

詠李明府

蛙黷在井底所見真局促人生義烈事無識每訛俗李勉本  
能吏英靈鍾方岳卓犖大有志恂恂忠孝篤遭逢際時艱雄  
風想奪槩召募勤訓練軍令秋霜肅奇策恨不用登陣時痛  
哭罵賊不屈賊身碎遭荼毒事久公論定精光日星煜

詠宣參軍

碌碌刀筆吏何處容奇節頓使豪傑士杯酒澆腸熱萬里喜  
從軍風塵銷鏡鐵帷幄共運籌慷慨丹心竭一朝孤城危匹

練英魂絕

公知城危十七日辰整衣冠自縊於署從容死報國身滅名不滅

詠沈縣尉

黯黯秋月寒沉沉秋雲積江城妖星落紛紛幟樹赤守義仗

吾徒

賈生藍兆麟生員劉茂助馬少知皆不用死

不辱有巾幗

譚曾氏李氏周黃

井氏

段厚薄祿有殊寸心同感激自投悲泪羅恨不裹馬革死

尚為鬼雄憐光霜草碧夜夜聞殺聲遂奪羣醜魄一戰勝丹

江功成喜獻馘敬將杯酒酌地下酬靈績

### 潯州長嘆歌

潯州變也河樓歷十有五載事多附會傳聞久實余以修志之役接見郡之紳耆

當日親歷其事者類能道之然城垣之興廢忠烈之姓名與夫盜賊之起滅實有不能忘諸懷者爰為詠

歌無幾禍變之類觀者如誠云

魏篤

天戈掃蕩極海洲十載妖氛尚未收統計生民死過半何處

不聞鬼啾啾吳會剪為戎馬地江南江北埋骨訛癸丑以後

更猖狂豫皖樹遍長髮幟京幾門戶數二東山東一千里烟

烽衝斗紅休養日久難設備蹂躪一過廬井空河朔不來雙

親王汪云王易水溥沱亦戰場外患未寧內憂劇經略三省孰

勾當故宮保盛前西南狂風煽腥臊回乾種落肆貪饕逐臭

赴羶應類起廿載何曾釋征袍同匪於陝甘雲南等處應類而起滋擾數年今山於回土

不和 老生坐歎歸數時下元甲子物生蠹不觀太白經粵西

請君試聽溥變賦亂之初生羊觸藩亂之又生火燎原胡天

未靖殘殺氣致舞干羽成侈言我於驚走溯禍始戎首大半

隸黔水珠江艇匪汨鬱江荼毒甚於偽閩李廣東等匪李

河 中有髮逆倡金田矯語未肯擾桑梓竄入立山逞夜郎永安

立為古 重勞相國施鞭弭雄兵百疇坐擁乘隙益縱妖言聳當

年軍門落後塵鐵鑄桂林成荒塌髮逆庚戌年入河北金山

年慶桂林向軍 討叛太守不去溥皖南大節孰與臨碧鷄灘

頭銘武烈驚焰如聞鶴淚音道光二十八年 艇匪大頭羊等

以孟羣字鶴人設法除之金山會匪起又 南宮捧檄紫水來戰

鼓未鳴馨鼓催十日頓成金湯固伐謀何耶亦壯哉前守劉

雲岩由營林調守河州時貴縣三合會起孽七通驚心艤艫

飛如電豕立狼嚎環四面求援不至拋血書中秋糧絕城內

變咸豐五年八月十七日陳開李文茂等陷河人情洶洶叩

南門筦鑰遑問何處存賢令甘赴東流水孰向江邊泣孤魂

太守劉體舒服毒自盡縣令李慶福被歿後猶議通賊叛千

古冤獄何難斷城破亦死守亦亡絕無回惑成鐵案况復囚

繫歷七日呵罵鞭笞經百千肢解骨紛屍不留皎皎心跡光

竹帛河城陷有謂縣令李慶福與賊通者豈知百端酷辱數

待則通賊之疑不小醜得隴更望蜀轉蓬揚帆毒更毒不有司

馬屯烏江武城早隸典鬼錄平南縣令李調署平南李茂

帶等陷河城復趨平南載文血戰大坡傳廣文擒賊七百來助

君胡乃截斷西歸路監軍難整鵝鵝羣練博揚清生擒逆

名皆織之聞縣令李載文紫烏江李練來援賊斷其歸路

南 矢落如雨馬跌脚倉皇移守觀音閣殺退鯨鯢紛又來忠

肝義胆非弱小衝入重圍背生門捐軀三日面如昨天喪斯

文墜前功滿胸心事誰寄托主感博揚清血戰數十日滿胸心

事寄托無大呂黃鐘歎淪沒泥塗何人收白骨時練總黃榜

屢著戰功亦沒於陣司馬仰嘆折右肱悲痛成疾神恍惚合

文李城陷計在七月杪查點死鬼皆餓殍烈烈宰邑張睢陽

虎臣同殉何矯矯

賊困平南數月城中紳民織不能支既陷又居藝不謀死亡相枕籍追縣令李蒙文

不能屈乃寸縲之同殉人

遞數丙辰二月中中留撫勇肆勾

通

注云

內變重結三合會解圍難尋妙計攻法堂挺身完大

節觀察敢自翊明哲

六年丙辰春二月右江兵備道黃輔相與縣令茅本滋同拒賊知有內應而不

俱敵殉難也

旋得旋失不可為軍門一戰驚覆轍

兵武軍門賊督

傾巢來軍門力戰不勝去之福副將死焉

石逆接踵江陵還率黨十萬逞荒頑挑

戰不利趨劍閣殘局看收謝東山

以威豐九年偽王石逆開

率黨數萬回武宣大縱焚掠時代縣令謝紹江拒之遂開走四川尋為川兵所獲傳首黔廣兩湖

將軍奮臂

擁天兵旌旗招搖蔣守營拉朽催枯生機轉歡騰士卒壺漿

迎

咸豐十一年蔣統領益澤帶兵迎剿左突右衝所向披靡嗣是李賊竄貴州

最後一場起平天



長髮餘黨苦料纏賺賊適為擒賊計再世伏波奏凱旋同治初

逆餘黨黃鼎等復據貴縣之平天寨統領劉布政坤一國

許以刀相擬定元乃取刀擄手入營鼎鳳正法餘黨悉平統

以戊申至癸亥自道名二十年兵燹已歷十五載廓清今又

踰數年臚陳顛末皆實在竊議江流殺氣多半毓生人半妖

魔到今肢體已灰燼城垣依舊聳嵯峩忠烈祠宇煥千古義

塚孰築千擔土行路感泣拜墓壇擁如旋螺觀如堵鄉人徐

旭先署桂平至即收殉難紳民數百迂儒往往附會多請君

試聽溥變歌就中一語能勘破結會當以謀叛科戢暴預為

安良計不隸編甲豈容他君不見王文成公撫贛江鄉約十

道息驚危來粵藤斷二百歲未聞峒獠擾此邦停筆三歎無  
限感侍兒甫報午鐘撞

桂平縣志卷五十八

紀文

詩錄四

亭閣樓榭各古蹟詩在內

初晴望雁亭即景詩

林鳳鳴

亭際晴開出翠微，亂雲爲放好山歸。  
烟低隔岸迷官渡，花漲平橋沒釣磯。  
入耳間情喧鳥語，橫窗新綠蘸人衣。  
塵緣到此真清絕，洗盡浮埃總息機。

題西山畫亭四首

陸焜

淡捲秋雲翠掃空，晴巒如畫曉烟籠。  
一灣竹筴牽叢棘，雙鎖杉陰雜老松。  
爽氣新饒風露後，閒情早寄鶴琴中。  
半山洗石

庵頭過先叩禪關問遠公

山徑縈紆樹鬱盤龍華古寺出林端登高有志慵穿屐却熱  
無方便脫冠上界徐聞磬動危樓對照佛燈攢千般俗慮  
都刪盡一闢新亭眼更寬

明窗四啓不容關山鳥無心在往還萬戶連雲城似甕兩江  
夾鏡水如環風前禽獻秋光媚檻外猶欹怪石頑偷得公餘  
閑半日已知超越出塵寰

遠光排闥送餘青薄暮催歸且暫停撫景匆匆多去日懷人  
落落幾晨星待携美酒評三雅試品名泉著一經有力買山  
開菊徑風流不讓晚香亭

西山二首

袁 鈺

山路紆斜繞數重入門搓眼記遊踪  
泉含樓影分高下雨濕  
岩花認淡濃半嶺鶴飛前代樹  
一聲風送夕陽鐘  
林深僧去  
無人跡石壁題詩倚古松

掃葉烹茶品乳泉箇中風味少塵緣  
雲根雨過泠泠響石罅  
藤生曲曲穿春草江環雙水鏡  
綠楊城鎖萬家烟  
停杯細把  
流光憶屈指初遊十五年

迎暉亭詩

胡南藩

水澗南關外亭臨古渡頭  
釣筒浮艇戶客纜繫梧舟  
烟火千村暮雲霞一帶收  
邊城慙撫字涸轍未全憂

宜亭春晝觀魚歌

王勅

我家鄠杜鄰清江春朝試出拳輕鱗銀花斫鱸刀錯落擊鮮  
娛酒醜百缸第見負氣多矜奇渺觀澗渤廻前陂長緝巨餌  
隨意設鬣張張鬻樹多所之泥沙倔強滄波潛乾坤惠視同一  
施直鈎可致良自喻寧憂沮洳遭譏嗤昔歲牽絲南向粵全  
義湘源山水窟塌來溽鬱兩經年獨對思陵靜拄笏爲政無  
能敢近名弛張直願無違闕宜亭面江江搖春凌虛之樂飄  
然新如烟欲動雨細細縠紋皺卷魚擘鱗浮天四淨青圍野  
點塵不染明鑑人水心撥刺戲撒影薄暮斜風吹魴鮓結網  
因知能事深臨淵豈謂緣天幸凭闌引眺相軒渠倒持失錯

渺渺三江口 淺處結短亭 沙明因水碧 好就浴前汀

楊大濱

江中歌

岸草通幽步 沙明映蔚藍 雙江澄夕霽 水色一亭涵

林若通

涵碧詩

井邑倦炎酷 西岩境獨清 人皆有涼意 亭得寒名

姚嗣宗

寒亭詩

黑雲徘徊長歌他日笑 指偶然作猶勝東津一再來

子譚文理趣該一篇起予非謂談把杯當此心宜開莫訝月

美世故由來因所踐張拳向夕竟何為 逐逐波濤空意戰陸

漁非漁臥澄 窺何費勞 率遂令終日無一魚 恒情斃利昏於

前題和韻

潘 鉅

清江圍草市野岸結雲亭一片明沙外天低接晚汀

玉泉臺詩

周世紀

匹馬遵城塢探奇問古臺玉泉聲尙咽青眼爲誰開

廖德明詩

廖德明

荒烟漠漠雙江上往事悠悠古戍孤春到偏臨青草渡夢中  
猶記白鷗湖

潯陽樓新成

吳綰志

潯陽飛檻俯江流小築新成覽勝遊獨秀峰高天外削思陵  
寺僻眼中收四更夜水蘇吟月一笛漁歌趙倚樓近觀猿墟



人似織成沾聖澤徧遐陬

潯江望詩

徐舒璵

潯陽何必羨江州旭日迎暉鬱水流十里泉源襟帶束片帆  
檣影半簾收元龍百尺齊雲起黃鶴千年逐浪游幾處梅花  
吹玉笛城南猶憶使君樓

南樓詩

廖德明

三里之城渺太荒兩江樓截壯金湯唐家設險基猶在聖代  
登陴慮更長

南樓晚眺

張九鐔

縱目南樓興未降山城粉堞架虹隴雲收碧落歸荒嶺日吐

晴霞射漲江，傍水野鳥飛。箇箇覓巢燕子，戲雙雙同來百越。  
登臨處，純樸山川，尙此邦。

清風樓晚眺

胡南藩

極目江天谿，樓高壓都城。漁樵生計薄，灘峽暮雲平。

北江上  
游有碧

驚二灘  
密

斗米船餘盞

一  
莫謠云  
上藤江  
水

長藤葉斷萌何須

勤遠略南顧，早澄清。

按此詩  
曹秀先  
書

同前題

劉修禹

層樓高百尺，風景透疏櫺。雲氣蒸潮白，嵐光繞郭青。月銜江  
上塔，秋老水邊亭。藤峽波濤靜，沙鷗狎蓼汀。

同前題

查禮登

山色思陵近灘聲銅鼓收風清携滿袖歲暮獨登樓沙鳥衝  
烟沒寒雲出岫浮不知江上客浪跡幾人留

捲雨樓詩

李仲良

炎敲何太酷雨脚望難酬瞥見秋風起披襟捲雨樓

同前題

林若逋

結構雲霞裏捲簾飛雨入浮嵐繞四圍坐久衣裳溼

四穿樓詩

宋

廖德明

四壁無遮礙凭闌豁遠胸何須高百尺亦可臥元龍

南北東西四望開熙熙人似上春臺時平不用籌邊策閒看

雙江抱郭來

同前題

林有席

兩江曲抱古城頭，雄視西南壯此樓。  
駱越鼓聲灘上落，海天瘴母檻前收。  
虞衡近已參炎徼，鬱石曾聞載陸舟。  
獨有白雲飛渺渺，登臨遙望不禁愁。

同前題

佚名

烟火潯陽一萬家，四圍風物總堪誇。  
登樓有客吹長笛，落盡江城五月花。

鎮遠樓落成詩

甘振

竹杖芒鞋快此游，人間好景是清秋。  
平生彭澤東籬酒，今日潯陽鎮遠樓。  
鼓角吹殘霜月冷，金湯隔斷瘴烟收。  
折衝樽俎

英雄事剛道輸公第一籌

妙虛樓詩

孫欽昂

妙虛樓聳翠微中地勢崢嶸盡向東萬壑雲霞先捧日兩江  
舟楫快乘風軍威旋看推嶠虎輿誦新傳集澤鴻太守不知  
山水樂且開文醮敞簾櫳

碧筩漱澗帶香斟指顧川原託想深恐有珍珠遺赤水愧無  
藥石惠青衿座中共抱澄清志檻外堪題著作林他日潯陽  
重問俗使車應駐舊棠陰

馬氏園詩

明

張佳胤

第宅西偏好園林十畝開花名詢譜失禽語隔江來愛竹沿

幽徑斑荆席古苔殊方懷土意賴此得徘徊

同前題

胡瀾一

問訊西偏地荒蕪不可言留題空弔古千畝集林園

同前題

潘 頤

興亡多少恨桃李亦無言賸有王孫草萋萋滿綺園

蓮榭詩

曾 幾

郎官一星幾時落乃在水繞山圍間幽亭野約不知數凌波  
仙子襪生塵露冷風淒微月夜願公清淨如遠公舌欲投合  
蓮社中冰雪肌膚歛翠蓋看公心似太虛空

又荷池詩

名園中有十頃池一錢不用君得之菱荷枯折小鴨睡絕勝  
紅妝青蓋時蛙鳴莫作鼓吹想亦莫問屬官與私讀書之暇  
招客飲能有此樂非公誰

東塔詩

明

楊大節

雁塔居然據上游凌空突兀瘴烟收瞻依青帝擎天柱旋轉  
蒼龍帶月鈎力挽江河深鎖鑰氣干星象控山邱駸駸累土  
成功後何事元龍百尺樓

同前題

傅輝文

灘頭石塔倚晴空截住潯陽百尺虹山勢入流齊拱北水聲  
繞脚漸朝東光搖雪浪江雲碧影落秋濤烟雨濛早晚安瀾

憑佛力輕舟常與一帆風

同前題

胡南藩

浮圖直插桂平東總作潯陽鎖鑰功  
二水遠從黔鬱到三江遙與楚交通  
灘頭日暖頻生紫渡口霞開亦映紅  
誰向狂瀾留砥柱口碑千載挹高風

劉浩墓

鄭暹

忠臣遺墓枕荒郊八十餘年幸未凋  
一代忠魂懸日月滿門精氣徹雲霄  
秋風古陌樵人集芳草深春牧豎饒  
此日瞻雲懷往事淚餘殘碣恨難消

同前題

胡南藩



迢遞沙岡識古阡，忠魂重認舊山川。  
碑橫野色迷蝌蚪，柳掛殘陽泣杜鵑。  
疑有青燐生暮雨，難堪碧血化寒烟。  
爲探巡遠千秋烈，惆悵遺墟一黯然。

同前題

陳純士

妖氛蒸鬱入孤城，血化長宏足此生。  
烈日丹心千古照，秋風臣節一身輕。  
那堪寂寞西郊雨，愁對荒蕪綠野苹。  
潛德幽光原不死，新阡松柏繞芳蘅。

同前題

魏篤

血濺睢陽臣待死，肢分橋柱髮猶生。  
節著一門公有子，銜留太僕世無卿。  
生前惠德餘碑口，事後烈名聽史評。  
墓穴不逢

真識者西郊何處訪佳城

同前題

張昌蕃

迢遞步沙岡言訪劉公墓淚咽土花斑銅駝飽霜露

同前題

潘 鈺

忠臣不有身何有千秋墓尺土還中原危坐付朝露

銅鼓詩

蘇 濬

莫辨雌雄色猶聞風雨聲年年春草綠何處伏波營

酬王虎如明府銅鼓行首章仍依明府用慶觀察與趙

司馬夜飲湖光樓原韻詩

公三章俱以伏波武候與  
豐俗銅鼓並題渾亥此則

以伏波銅鼓  
提唱首章也

魏 篤

漁父驚倒樵夫笑寶物閃爍晴光照休擬鐵網得珊瑚天縱  
銅鼓逞幻妙伏波將軍征蠻來二鼓躍鳴發狂嘯聲振九地  
徹九天巍赫邊功傾粵嶠彝器淪沒二千秋庸耳俗目那能  
料出諸坭沙擊輒應五音半饒宮商調安置太學配黃鐘觀  
風樓驚天雞躍升沉遇合數計三恨不一逢堯夫卻碧花赤  
紋天然工孰識其款批其竅玉堂人酌對湖光握手王郎來  
相醕土花斑駁混眞贗心摩手搥都遍肖人依物貴物因人  
車勒方叔鹵銘召石鼓文啓八代衰使君銳思關危峭二公  
非佛亦非仙珊瑚風骨丹還少形神不覺入詩章碎句跌宕  
肆號叫無俟憤搗學漁陽羞語刻鵠貽譏誚獵橫搜奇驅睡

魔勝於放曠恣遠眺趙君風雅亦詩流嗜古有癖何須療我  
來潯陽訪名灘曾為驚滔代客醺形器無存留神威千載歷  
盡劫火燒不然請君思陵暫停車奇氣縱橫白雲繞

又再酬王明府銅鼓行次章仍依趙司馬約用昌黎先

生石鼓歌原韻

此章通以伏波銅鼓作緣起也

魏篤

桂垣籍傳銅鼓行韻踵昌黎石鼓歌耳食不如眼見切敲金  
夏玉妙若何博古最難窮旨趣一物兩解費矛戈威懾蠻荒  
埒銅柱椒房之威名不磨此鼓更出偏安後八桂名流窮慘  
羅司馬堂前開公讌賞奇晰疑集冠峩縱橫其中識者少丞  
相遺制出岩阿獨秀峰前亭屹立陰有鬼神常護呵鏤人刻

物窮造化老眼無花辨無訛漢家故物隸篆古光怪陸離近  
蚪蝌奮臂重搗復緩叩音出逢逢功奏鼉武備堪作文壇用  
投壺豈類尋斧柯兵氣已消遺規在勝於臨淵拏龍梭先生  
平蠻來何暮羽扇風流賦委它刁斗棨戟羅鍋帳不共此鼓  
壽義娥倘分一二配公廟龍雷作用沛江沱驚喜土人識向  
葵

適

排

夫

鼓

一

具

敏

購

那辨元和與宣和綫紋糝糊音宛備孔明

臺中擬同科文人附會叅疑信贗鼎僞盤何其多物罕見珍  
入典寶大異荆棘會銅駝况際兵燹成灰燼樓閣半作邱墟  
過始安不來軍門向灘江空留洞伏波將母諸葛生不死神  
威託寄靖偏頗騷壇有盟物有主蠻書何事嚇趙佗拔劍斫

地起歌舞揚袂掩面羞娜阿女錚鏗疑入將軍庫腹背慣經手  
 摩挲鉅章當補韓歌後愧煞老吏苦吟哦聊為點竄塗筆簡  
 刻鵠何與典鸛鵝赫赫章武承漢統嶠粵受福鄂不那醜酒  
 臨江酌神物偃蹇千載出坎軻君不見把蠟烏頭肆兇慘龍  
 水草碧血濺河不若常厓將帥思權抱彝器補蹉跎

又再酌王明府三疊銅鼓行仍依明府原作用東坡先

生石鼓歌原韻

據諸俗凡祭祀婚嫁宴客皆以銅鼓合樂成俗故此作專以

鼓完末章也

魏篤

壬申之歲月建丑潯陽榷舍欵江叟  
明府於去歲銅鼓三章  
底到蓋局  
 傾囊投旋轉一氣盤珠走縱橫爛斑是何祥會有甦奴笑盈

口粵之蠻貊語人向化已久其婦女皆其族類也自言物係

祖公傳半出槃岑胡藍後韓王持節平獠來淪沒散軼居八

九峒官入寮訂合歡鬢鬢忽雷徹象柳嶺南地前代

傳有雲蟬孃毒梁犀甲燦星斗鄺露老子代典兵桴柄在手

運在肘殺仇先令齊饒歌非種岩於辨稂莠時而樂終奏雲

陽結禱如聯盍簪友陳庭宴安部落齊狼籍杯盤雜鶉敦類

族辨物考據疏史管恐亦誤蝌蚪况茲鼓名傳有三不比兕

觥酌耆耆剖擊有節用有時更殊靈葵聽指喉逢逢鼉鼓奏

明堂金鼓凱旋銘二酋將母物本屬伏波溷入蠻峒誤矇矓

抑或武侯妙造工小於土鑄宛培塿亦雅集考諸葛鼓較伏波與諸葛所遺者稍小

無當非據

倘疑私造官無禁俗尚那復知高厚搜盡典實不收錄

猶幸君能辨某某充擴見地如見天涵諸所無空諸有禹鼎

盪盤抵掌談奚論戈鐔與械杻蠻俗敢污首山銅娛賓徒令

殃鷄狗欣茲主易物運通君藏其一我無偶

明府銅鼓為趙司馬所贈署得

一銅鼓為土人黃敏所購

琳瑯鉅制追韓蘇焚香讀之甘低首安得騷壇

常追陪並鼓笙簧常擊掎轉笑嗜古或病癡不器而器斯焉

取伊古動極寂由生盍觀天風吹塵垢極則必反無盡藏蒙

莊抱一但默守煉我形氣歸元神違計骨朽名朽回頭是道

悟轉機清風一榻為汝壽



桂平縣志卷五十九

紀文

詩錄五

紀事各詩

十二月丁丑朔念三日發梧州之潯與二三同事小酌

書感詩

明

韓雍

遐荒歲云徂行役猶未休晨起戒舟子理櫂泝急流笳鼓聲  
初喧舳艫蔽江浮亂石白齒齒激湍清瀏瀏長風飽蒲帆薄  
暮方始收嗟我本駑鈍辭親恆遠遊烏鳥亦有情豈不懷故  
邱時事方孔棘恩遇亦未酬眷茲弗荒寧奔走不自由所幸  
二三友同朝舊朋儔且與倒一尊解我百責憂重裊坐廣堂

高爵等列候丈夫苟有志視此同一漚所貴慎明德建功踵  
前修舉杯望青天思飲月低頭

斷藤峽詩

程敏政

斷峽藤克蠻嶠破頑陰發靈曜薄海四隅 皇德冒蕞爾醜  
聲教皇人旅興殄爾暴蛇豕平捷屢告山殷殷波浩浩舟車  
來嶺南道清二廣睿謀造

韓中丞征蠻詩

董傳策

嶺表古夷隩奏漢拓山河中代更叛服功收兩伏波宋弱屢  
搖扇狄青勝算多我朝大一統內歛開洋河蠻醜近弗靖戎  
壘鬱蹉跎嵐岡吼兕象龍窟鳴鼉鼉皇命整厥部卷甲提天

戈賊據大藤峽全師搗其窠先入奪人氣迅速凌浮艦飭罰  
士用命一鼓爭追呼疾驅先荔浦陣馬風雲過烈火燎柔毛  
撲滅無幾何惟戰威勝愛惟師克在和掠氓無妄殺殘孽堪  
撫摩蠱茲蜂蟻屯椎跌同么麼匪邀萬里候赤子傷薦瘥竟  
上平蠻畧旋聞奏凱歌安邊在擇吏服案戒漁苛推恩衆可  
結申法令無佗諸蠻懾且懷功偉山嵯峩勦撫倘無術調集  
誰能那願終覃稱德永清秩南訛

破斷藤峽詩

王守仁

才看干羽格苗夷忽見風雷起戰旗六月徂征非得已一方  
流毒已多時遷賓玉石分須早柳慶雲霓怨莫遲嗟爾有司

懲既往好將恩信撫遺黎

又平八寨詩

前名

已說韓公破此蠻獠十萬騎連山而今止用三千卒遂爾  
收功一月間豈是人謀能妙算偶邀天助及師還窮搜極討  
非常策須有恩威化梗頑

殷中丞平大藤峽詩

沈明臣

密菁如天峭壁孤大藤峽斷走狂奴懸知上帝收槃瓠遂有  
王師滅短狐萬里風烟開八桂九天日月照蒼梧功成肘挂  
黃金印御史中丞漢大夫

邱濬凱歌五首

時韓羅破  
大藤峽賊

邱濬

紅日中天萬里明  
戴盆魍魎尙偷生  
神機睿畧如天運  
一怒能教嶺嶠平

三軍奮勇氣橫秋  
石裂烟消水不流  
一夜山靈驚失險  
回頭不見九層樓

今日軍中又一韓  
功成只在笑談間  
由來名下無虛士  
從此威聲振百蠻

水陸舟車處處通  
三軍飽食不妨農  
相逢盡道兵威壯  
誰識蕭何轉運功

此捷今無古未聞  
雨階舞羽待回軍  
尙方舊鑄封侯印  
史館新書靖遠勳

凱歌四首

夏時正

指揮肅肅靖轅門至計如神不可論  
大將曉猶屯細柳偏師夜已奪崑崙

捷報時時奏羽書  
烝民戰後樂耕漁  
萬方和會歸王會  
不復通言用象胥

樓船笳鼓送回軍  
壯氣饒騰拂曉雲  
便擬麒麟寫生面  
更從彝鼎勒奇勳

剪滅妖氛若燎毛  
謀深不用虎龍韜  
封侯取印君家物  
請看先公舊戰袍

凱歌四首

張煊

中丞御命出龍墀五筦呻吟便解頤報到蠻酋相戒飭六軍  
都統是韓琦

大將推誠集大勳盜符恥效信陵君共誇今日平蠻策不數  
相如諭蜀文

水陸間關轉運通多方區畫不妨農試將漢史從頭讀只有  
蕭何第一功

山無豺虎道無蛇獠獮相參百姓家昔日高原皆灌莽如今  
多半藝桑麻

凱歌集古四首

鍾 虓

七里清灘映石層

胡注  
曾云

一朝繼遠困長藤

注云  
韓

能揮寶劍

除妖魅

伯注云鄧

星斗光芒萬丈騰

貝注云

廟廊題字無可韓

和注云林

旌旆逶迤碣石間

達注云高

兩地山

川分節制

元注云武

數行烟樹接荆蠻

翟注云

銅柱烟消百粵通

揭注云

肯銷金甲事春農

杜注云

皇綱整肅奸

邪遠

許注云

今代麒麟第一功

官注云上

羽檄交馳日夕聞

王注云

鳴笳叠鼓擁回軍

岑注云

歸朝奏對龍

顏喜

張注云

玉檢丹書策上勳

山注云危

憤盜篇

高瀚

赤眉大笑民大哭赤眉大嚼民魚肉稱王稱侯更稱公胡不自起夫稱獨無端椎擊博浪沙少林嗔業生萌芽赤幟紛紛



關三戶可憐脅從皆無家卻笑諸公無遠略止辦將憐爲賊  
壑賊源不治治賊流滿盤不詳一子錯旗靡轍亂東復西蹠  
寇無軍騰水犀游魂漸蘇職誰咎從此雙江喧鼓鼙吾每百  
戰任顛簸糧絕援潰堅城墮養成賊銳大兵來不爭上流計  
眞左久雨忽驚竈產蛙天意何助羣狼豺三春折柳憤內閔  
八月落梧悲析骸覆車不鑒乃奔赴一誤不謂又再誤郡縣  
竟如急波崩黎民何處蒼天訴戰士恨埋馬革深縉紳禍痛  
鳴夷沈賢愚一體泥塗辱懦烈誰推報國心長江錦帆蛟螭  
舞還來陸地誇螳斧打糧豎旗筍糧臺貧者荒蒔富者擄無  
何妖氛惡貫盈天威不鉞人皆驚一戰梟獍卽膽落蒼梧漂

杵龍城平搗來寇盜方窮蹙丸泥來封京觀築坐使窮寇大  
江東豈顧鯨鯢遭天戮四載猶幸多豐年慧星重指嗟連顛  
勿負成城合衆志長安不見愁愴然

黍離篇

高瀚

隴水殘山半夕曛從前歌舞付浮雲管絃欲泣王摩詰寇服

疑逢魏考文

冠賊 著 數年矣 變衣

喜聽鐵鎗收宿寇

開 降 賊 李 金 賜 至 省 合 副

空

傳越石擁諸軍

劍 撫 州 軍 兵 駐 柳

回頭戰血衣稀在竹杖蘿衫拜故

墳

強將舊土認他鄉有客無家欲斷腸故國樓臺三嘆息大江  
波浪幾興亡烟痕半沒雙鞋露秋色重磨一劍霜除卻絕裾

皆易事頭顱何吝擲君王

錦城景物盡殘凋  
賸有雲烟耐寂寥  
梵磬一聲西竺寺  
田家

十里六塘橋西竺寺六塘皆在城西  
歲時村社殘  
黎哭風雨秋  
原戰鬼

驕恠悵馬流灘上  
望雄心猶欲射江湖  
城西流灘在

凱歌二首  
紀蔣方伯李鎮戒恢復潯城勇

譚鳳書

衡嶽鍾靈迥不侔  
少年勛業竝韓劉  
奇才共仰周公瑾  
妙算人稱李鄴侯  
十部貔貅三楚健  
兩河烽火一齊收  
酬庸宜上凌烟閣  
疊荷天章下鳳樓

一戰功成絕禍胎  
山河重認舊樓臺  
妖氛直挽雙江洗  
文教還從五嶺開  
紆難頌餘倉廩粟  
籌邊仗得撫綏才  
八方霖雨

蘇民因不愧當年借寇來

方伯之軍前  
由豫楚借來

長歌

為貞烈女譚紅嬌作

徐驥

潯州郡古蒼梧東譚家有女名阿紅許字同里潘瑞熊雖遲

泮合脩已通

解一

潘生隨父宦豫章墨車有約歸來將詎料舟

次吳城鎮生也遽以暴疾殤

解二

女得凶問布總筭箭壘喪服

亟手治長跪父母前致詞兒命已若此兒何以生為徒以父

母在願假兒一樓長齋繡佛為孤嫠

解三

父母共憐之百端相

慰藉謂女母過癡尊嫜女未見丈夫未結褵為兒擇佳偶寧

蹈冉醮譏女聞哭益慟淚雨紅綆縻惟言大義在他非兒所

知

解四

父母不得已許壻樓中居終恐年太穉未必久不渝

解五

女上樓不復下藥其獨活哉蟲真可憐也

解六桃花灼灼媒來

數數東家子美姿容西家兒富文學父母走告女教女自擇

憑女諾女顏發頰心錯愕可憐有淚不復落

解七父母下樓日

已夕鬼影幢幢鐙在壁長吁一聲天地逼羅巾三尺女命畢

解八父母奔視女貌不變盼兮秋波光乃如電耶家人來女目

始瞑

解九郎柩回矣合葬諧矣馬鬣堆矣取義成仁志不乖矣

解十楊煦葺李春橋爲女作傳作歌謠闡揚幽隱勵頽俗如椽

之筆非輕搖明年斑斑紅淚竹藂生應在潯江橋

解十一吁嗟

乎貞女一弱質樓居致命直似文山節楊君屬我留題詩恰

共文山兩手蹟正氣能爲乾坤操英雄兒女何分別傲幸案

桂平縣志卷五十九  
頭一月留覺有奇香綺配溫曆長不滅

解十二

譚貞烈女

詩

李人華

朝聞道夕死亦可矣不然生百年尸居餘氣耳芸生紛六合  
有若旋磨蟻魍魅態千般母乃口欲哆譚家有高樓倒影溥  
江水雖非百尺規綱常固其址灼灼芙蓉花峩泰山峙女豈  
事詩書但完性之始無生日可瞑同穴心所矢勿謂慷慨易  
消息參名理寄語鬚眉兒休慙弱女子

同前

耿嵩年

南山

乳石鍾晶瑩膩滄瀛寒亭釀石泉灤洄洌清泚山水表奇特  
間氣斯鍾爾譚女韶齡盟言通潘氏緋綵旣繫臂金石精

堅比無何訃音來西風折連理戢影小樓中長齋却羅綺秋  
月憶嫦娥春風背桃李琴譜處女吟朱絃按玉指蜂蝶何無  
端胡不諒人只扁舟不可方永矣江之水三尺短吳綾守身  
謝怙恃同穴志未移相甘同生死靈江水瀰瀰

同前

盧振新

樓高百尺逼雲天十七貞媛守志堅襦未結時身已許赤繩  
一繫死生緣一回媒議一回驚死殉綱常匪殉名未嫁順親  
雖女德節宜從重不從輕比翼終妨折翼時何如共穴種連  
枝前身有願酬身後地老天荒永不離此心原自不成灰楮  
附貞魂離草萊化蝶化蟬都是妄分明教識返瓊臺

同前

陶廷阜

雲南

聖主崇祠褒節孝閨閣貞操競相效守義豈邀身後名義重  
但覺身爲輕事窮一髮千金繫忠臣烈女無二志共姜誓死  
矢靡他自昔芳聲今未墜我昨采風布山陬邑人嘖嘖譚家  
樓有女深閨甘殉節凜然大義齊柏舟此日貞魂何處覓同  
穴心堅如金石天荒地老盟不寒一縷精誠貫白日開編淚  
灑煦菴書感激猶能位路隅從今盛事傳巾幗愧殺人間不  
義夫

同前

陶廷杰

十七閨中女艱危義必伸豈因襦未結而使節輕淪矢志盟



金石捐軀泣鬼神楮飛都細事所重在彝倫

同前

許錢齡

南平

悲風陡拂譚家樓樓空人去清芬留清芬至今稱節女年十  
七歲罹凶憂潘郎坦腹誇佳偶未及乘龍豫章走傷心父老  
哭西河誰料貞姬望門守一紙書回闔室驚閨中指日誓分  
明綺羅膏沐盡捐棄願守空樓畢此生競比芙蓉剛出水忍  
教泣淚哀天只射屏終有下樓時二老喃喃痛逆耳苦蘖獨  
嘗心自堅女貞莫辨徒牽纏此身若在應難免不如覓路向  
黃泉沉江未得恨愈切深夜投環鼠泣血霽神振起羣哀號  
烈氣如生雙目裂一樓茫茫竟有知翁家來拊始低眉芳名

擬議難爲匹斷髮投樓未足奇  
郎襯西歸籌合葬備期觀者  
圍成障陡然風起作廻旋  
吹將楮片凌空上須臾紙蝶復雙  
飛盤舞空中疾若揮詔日同聲  
此何故難摧百折是耶非吁  
嗟節義倡於女不事二夫凜然語  
尤異標梅未結褵同歸共  
穴得其所他年彤管采幽香  
此日閨閣播說長潯水涵空樓  
倒影悠悠譚女剩殘妝

同前

潘兆萱

庭前女貞木春夏生華滋  
狂風驀然來吹折東南枝  
譚氏有好女婉孌知禮儀  
許字舊姓子文定終不移  
阿耶遠從宦病死西江湄  
千里訃書至淚落如連絲  
生憐不相識死欲常相

隨石缺口中含不語心傷悲雲鬢不飭粉黛無從施爲待  
郎柩歸衰經趨庭幃父母暗相語女守非所宜另覓良家子  
攜手同于飛阿女知此舉掩涕爲長嘻畢命朱絲繩挂彼貞  
樹枝庭前女貞木不霜自萎而上有孤栖鳥朝夕啼聲哀世  
儒好談禮往往非人情謂女未出嫁許人不以身豈知生死  
際非可妄品評死固人所難生詎人所輕舍生而取義可爲  
後世風我欲成其志雙柩塋一塋創祠青山麓翠如高其薨  
栗木祀貞女庶以娛幽靈旁植女貞木聊爲表孤情魂歸木  
葉赤魂去木葉青將此貞女行勒石垂前楹

附錄諸蠻風土詩

獮俗詩六首

桑悅

動講襄公九世仇通情洗面只償牛

以陪洗面

親鄰相助歌

迎鬼

冬十月歌舞迎鬼賽神殺牛豕

男女分行戲打毬赴敵

護頭裝鳳翅占疑隨手擲雞頭幾回緝事軍先覺木刻傳

村有別謀

飲食行藏總異人衣襟刺繡作文身鼠毛火淨連皮炙牛

骨糟甜似酒醇小語相侵隨致怨清歌互答自成親

謂唱為

數唱趁墟亦有能裝束數朶銀花綴罔巾

山深路遠不通鹽蕉葉燒灰把菜醃女髻風鬢純黑縮男

頭蒲笠盡紅尖租田亦與人分榔

民夷皆云禾為分榔

摘棧惟將

手當鑿間有十冬詎賦役欲詢無計召交譚

開十里冬

村村竹木占山鄉屢殺人民似犬羊冬盡水乾兼送哨春

來菁密喜裝塘能通官語惟村老慣結同年是熟商

交相

年為同夫子居夷心一片清燈閒坐細思量

除夜雙盤貯鷓鴣清晨蟻集看如何

除夜置油炙鷓鴣二盤於地早看集黃蟻

多則軍強黑所牛伏地心先動

將欲行切以利刀

牽犬登

山樂事多毒藥煎成封弩箭純鋼煉就作干戈殺人每講

陪頭物有數從來實不孚

加講十年凡

姓同處處是華宗

稱同姓者朝甫先加老喚公

初名朝某長

某名三三界有靈焉

為華宗助雪諸馮非祀肯相容只將刦奪為生理亦以均公示至

公誰把峯蠻齊一剗平疇萬里盡歸農

詠諸蠻風土詩十二首

林有席

其一

人傳烏澗國風俗未敦龐種族依層嶺巢居夾兩江鳥言  
時借譯獠性本難降莫道槃瓠妄斑斕見此邦

其二

生熟獠多種還兼黑白分良刀試牛項偏架射狐羣都貝  
年年祭槽聲處處聞大良敦厚良種惟大俗好化八蠻氛

詠獠

嗟爾來湖北何年占粵山下雞分曲直屠狗肆貪頑飲食

頻生訟蔘欄足養姦銀圈徒自大加頸涉前灣

詠獐

鬼鼓呼隣舞形殘燥竹筒潛身窺旅客郎火入宵中餉塔  
炊糜飯生雛抱產翁何煩滋蔓草惆悵嶺雲重

詠獠

頗怪雕題俗文身垢不除雌雄皆挽髻攀陟竟如狙伏弩  
依山獵驍騎傍郭居制貉甯仗爾召募事全疎

詠狼

室處非吾好羅連與大藤隨狙同角力掘鼠獨矜能呼我  
纏腰婦嗤余赤脚僧全生還拾椽長此碧崖層

詠冷

羅漢樓何峻蠻風徹夜聲長歌多閉目六管漫吹笙賤老  
鬚常拔新妝雉更輕能兼混沌舞雅韻愜優伶

詠狗

對刀相格殺傳說過山猿生計陶瓠慣燒畬地力饒編茅  
多轉徙舊穴任漂搖疊石山頭去明年復打寮

詠山子

世世舟爲宅年年竹作簾浮沉波浪裡生活海天涯蛇祭  
全家喜龍居辨穴乖還携蠓與木知爾是同儕

詠蜒戶



野處依山谷民居亦戶庭呼羣送婚嫁繡額見娉婷每怪  
雕題狀難分黑白丁昨朝戒族類荷傘細叮囑

詠豸

車書通萬國日月照交南邊郡遊懷葛蠻材得紀楠詩書  
勞浸灌禮樂漸沉酣

其十二

聖代嘉徵集祥風拂瘴嵐含生同血氣大塊別剛柔要服  
千山月畔矚萬里秋虞衡恣涉獵炎徼費冥搜一棹潯江  
上奚囊句可收

徭山除夕絕句

胡仲康

紅爐煨芋度殘年兩耳山泉一片天恍惚桃花似人世先  
春低放草簷前

獐家村詩

丁塘小步至獐家村人畜甚多  
茶以家釀進弗敢飲僕聞獐女製醜甚工

詞之耐無有少年認出其二白實青刺龍風花  
頗熾好云是少年認出其二白實青刺龍風花  
春

時男女踏歌野次相  
配偶號為認同年云

金虞

鳥澗灘邊熟獐家也知留客嘆無茶山棚豈乏檳榔樹酒  
戶難勝浪蕩花桐布垂腰規俗陋繡巾搓手向人誇春江  
跳月渾閒事認得同年髻已華

獐女相思曲二首

錄明詩綜

妹相思不作風流待幾時只見風吹花落地不見風吹花

上枝

妹相思蜘蛛結網恨無絲花不年年常在樹孃不年年伴  
女兒

浪場男女問答歌二首

東村飛飛蚨蝶兒西村搖搖新花枝蝶兒貪花甜在口甜

心到頭那個知

云女

不是開花是落花隨風飄蕩歸無家年年花開又花落不

見同心空見花

云男

山川形勢

地理沿革

物產

風俗

學校

職官

名宦

文苑

藝文

雜錄

重修桂平縣志捐印銜名

本志始由前桂平知事黃公東園捐銀百圓開局暨前廣東督軍莫公日初爲鎮守使時捐銀叁百圓並派各里租捐式千餘圓作局費未幾局撤印費無着適是時同邑之宦於兩粵者十數人固一時之盛湊集捐款幸殺青焉茲將芳名列左至上年各里派捐及其餘量情題捐以爲局費者其數目因簿記未付來粵時值亂離道途梗阻不能再候暫從闕如閱者諒之

編者謹識

廣東督軍莫榮新捐叁百元

廣西財政廳長崔肇琳捐廣西紙式百元

順德縣知事陳大賓捐毫銀一百元

東莞縣知事曾佐才捐毫銀一百元

增城縣知事王震東捐毫銀一百元

劉營長權中捐毫銀一百元

龍川縣知事溫葆和捐毫幣一百元

潮安縣知事區栢年捐毫幣一百元

全縣知事蒙啓勳捐廣西紙七拾元

電白縣知事姚之榮捐毫銀伍十元

甘營長煥章捐毫銀伍十元

呂帮統定祥捐毫銀伍拾元

慕蘭釐廠總辦姚漢超捐毫銀伍拾元

衆議院議員程修魯捐毫銀伍拾元

桂平縣知事古濟勳捐廣西紙壹百元

閩邑寶興捐廣西紙陸百元

桂平縣知事古濟勳籌捐廣西紙肆百元

廉城釐廠委員吳樹範捐毫幣貳拾元

增城縣知事濟泰捐銀壹百元

蕉嶺縣知事謝鉅猷捐壹百元

德慶縣知事謝賴瑾捐壹百元